



SLUŽBENI GLASNIK

OPĆINE KALESIJA

Godina: XXVI

Srijeda, 17.12.2003. godine
K A L E S I J A

Broj: 7

OPĆINSKO VIJEĆE

62

Na osnovu člana VI 4. a) Ustava Federacije Bosne i Hercegovine («Sl. novine FBiH», broj 1/94, 13/97 i 52/02) i člana 77. stav 1 a) Ustava Tuzlanskog kantona («Sl. novine TK», broj 7/97, 3/99, 13/99, 10/00, 14/02, te člana 6. stav 2. Zakona o osnovama lokalne samouprave («Sl. novine FBiH», broj 6/95) i člana 29. tačka 1. Zakona o lokalnoj samoupravi («Sl. novine TK», broj 6/98, 13/99, 7/02); Općinsko vijeće Kalesija, na sjednici održanoj dana 15.12.2003. godine, d o n o s i

STATUT OPĆINE KALESIJA

I – OSNOVNE ODREDBE

Član 1.

Ovim Statutom, u skladu sa Ustavom Federacije Bosne i Hercegovine (u daljem tekstu: Ustav Federacije), Ustavom Tuzlanskog kantona (u daljem tekstu: Ustav Kantona) i federalnim i kantonalnim zakonodavstvom, uređuju se sledeća pitanja: ostvarivanje i zaštita ljudskih prava i osnovnih sloboda, saradnja sa ombudsmanima, samoupravni djelokrug Općine Kalesija (u daljem tekstu: Općina), općinski organi vlasti, neposredno sudjelovanje građana u odlučivanju o lokalnim poslovima Općine, mjesna samouprava, imovina i finansiranje lokalne samouprave, propisi i drugi akti Općine, upravni nadzor, saradnja sa drugim općinama i udruživanje općine u zajednice i saveze općina, donošenje odnosno promjene Statuta Općine i druga pitanja od značaja za organiziranje i rad Općine i njenih organa.

Član 2.

Općina je jedinica lokalne samouprave.

Član 3.

Granice Općine utvrđene su Federalnim zakonom i drugim federalnim propisima.

Općinu čine naseljena mjesta.

Naseljena mjesta, njihova područja i granice utvrđuju se posebnom odlukom Općinskog vijeća, u skladu sa zakonom.

Član 4.

Općina ima svojstvo pravnog lica.

Član 5.

Službeno ime Općine je: Općina Kalesija.

Član 6.

Sjedište Općine je u Kalesiji.

Član 7.

Općina ima grb i zastavu kao i druge simbole o kojima posebnom odlukom odlučuje Općinsko vijeće, uz saglasnost Ministarstva pravosuđa i uprave Kantona.

Za prihvatanje simbola iz stava 1. ovog člana potrebno je 2/3 glasova članova Općinskog vijeća.

Član 8.

Općina ima pečat.

Pravo na upotrebu općinskog pečata, veličina, oblik i sadržaj pečata, kao i druga pitanja od značaja za izradu i korištenje pečata uređuje se Zakonom o pečatima Tuzlanskog kantona.

Član 9.

Dan Općine je 23. maj.

Član 10.

U cilju odavanja javnih priznanja za značajan doprinos u razvoju Općine, u raznim oblastima društvenog života i rada, mogu se dodjeljivati općinske nagrade i priznanja

Vrste općinskih priznanja, oblast iz koje se vrši dodjela istih, kome se vrši dodjela, pokretanje

inicijative, postupak, nadležnost i obezbjeđenje sredstava za dodjelu općinskih priznanja, regulisat će se posebnom odlukom Općinskog vijeća.

Član 11.

Službeni jezici u Općini su: bosanski, hrvatski i srpski jezik.

Službena pisma su: latinica i ćirilica.

Ostali jezici se mogu koristiti kao sredstvo komunikacije i nastave.

Član 12.

Ovaj Statut mora biti u skladu sa Ustavom Federacije, Ustavom kantona i federalnim i kantonalnim zakonodavstvom.

II – OSTVARIVANJE I ZAŠTITA LJUDSKIH PRAVA I OSNOVNIH SLOBODA I SARADNJA S OMBUDSMANIMA

Član 13.

Općina će stvarati uslove da građani sa područja Općine u cjelini i na demokratski način ostvaruju sva prava i slobode utvrđene Ustavom Federacije i međunarodnim instrumentima sadržanim u Aneksu Ustava Federacije, o čemu će brinuti svi općinski organi vlasti, svaki u okviru svoje nadležnosti.

Član 14.

Sva općinska tijela vlasti, općinske službe za upravu i institucije koje vrše javna ovlaštenja dužni su u vršenju poslova iz svoje nadležnosti primjenjivati i dosljedno poštovati prava i slobode građana predviđene Ustavom Federacije i međunarodnim instrumentima sadržanim u Aneksu Ustava Federacije i Ustava Kantona

Sva općinska tijela vlasti i institucije koje imaju javna ovlaštenja dužni su u svom radu preduzimati sve potrebne mjere i aktivnostima u cilju osiguranja uslova za ostvarivanje i zaštitu prava i sloboda utvrđenim u Ustavu Federacije i instrumentima Anexa Ustava Federacije i Ustava Kantona.

Član 15.

Svi općinski organi vlasti i institucije koje imaju javna ovlaštenja dužni su, na zahtjev ombudsmana i njihovih zamjenika omogućiti ispitivanje djelatnosti bilo kojeg organa vlasti Općine i bilo koje druge institucije ili lica koji su negirali ljudsko dostojanstvo, prava ili slobode, uključujući provođenje etničkog progona ili odražavanje njegovih posljedica, dati potrebne informacije, dokumente i spise, omogućiti uvid u sva službena dokumenta, uključujući i tajne, kao i sudske i upravne spise i omogućiti saradnju od svake osobe, uključujući bilo kog službenika, posebno o pribavljanju potrebnih informacija,

dokumenta i spisa i time osigurati uslove za ostvarivanje funkcije ombudsmana u zaštiti ljudskih prava i osnovnih sloboda na području Općine.

Općinski načelnik je dužan omogućiti ombudsmanima i njihovim zamjenicima prisustvo upravnim postupcima, koje vode općinske službe za upravu, odnosno institucije sa javnim ovlaštenjima, a Općinski sud sudskim postupcima.

Član 16.

Svi Općinski organi vlasti dužni su, u okviru svojih prava i dužnosti, saradivati sa svim međunarodnim posmatračkim tijelima za ljudska prava osnovana za Bosnu i Hercegovinu i Federaciju, kao i s nadzornim tijelima osnovanim instrumentima navedenim u Aneksu Ustava Federacije.

Član 17.

Općinski načelnik je odgovoran za saradnju i omogućavanje ostvarivanja funkcija ombudsmana i međunarodnih nadzornih tijela u Općini, a posebno za saradnju općinskih službi za upravu i institucija sa javnim ovlaštenjima na način predviđen Ustavom, zakonom i ovim Statutom.

III – SAMOUPRAVNI DJELOKRUG OPĆINE

Član 18.

Općina je nadležna za neposredno obavljanje poslova lokalne samouprave utvrđene odgovarajućim Federalnim zakonom, odnosno zakonom Kantona i ovim Statutom.

Član 19.

Općina u okviru svog samoupravnog djelokruga u skladu sa zakonom kojim se uređuje pojedina oblast, obavlja naročito sljedeće poslove:

1. osigurava uslove za poštivanje i zaštitu ljudskih prava i osnovnih sloboda, u skladu sa Ustavom,
2. osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu,
3. osigurava provođenje porezne politike i potrebna finansijska sredstva za funkcionisanje Općine,
4. osigurava uslove za uređenje prostora i vodi urbanističko-stambenu politiku od značaja za općinu i njen razvoj.
5. osigurava korištenje i upravljanje lokalnim građevinskim zemljištem,
6. osigurava uspostavljanje i održavanje premjera i katastra nekretnina,
7. osigurava zaštitu okolice na lokalnom nivou,
8. osigurava obavljanje komunalnih i drugih uslužnih djelatnosti i stara se o izgradnju,

- održavanju lokalnih puteva i korištenju puteva, ulica, mostova i drugih objekata lokalne infrastrukture od interesa za Općinu,
9. upravlja općinskom imovinom,
 10. vodi brigu o dobrima od općeg interesa i o turističkim resursima Općine, kao i zaštititi životinja i zaštititi bilja na području Općine,
 11. na lokalnom nivou reguliše i preduzima potrebne mjere u cilju provođenja javnog reda i mira i zaštite od požara,
 12. osigurava uslove rada lokalnih radio i TV stanica,
 13. osigurava vođenje evidencije o ličnim stanjima građana (matične evidencije) i biračkih spiskova.
 14. osniva javne ustanove i druga pravna lica u skladu sa zakonom radi ostvarivanja određenih privrednih, društvenih, komunalnih i socijalnih interesa i drugih potreba stanovništva,
 15. obavlja upravne poslove iz samoupravnog djelokruga Općine,
 16. osigurava izvršavanje i drugih poslova u skladu sa zakonom.

Obavljanje pojedinih poslova iz samoupravnog djelokruga Općine, može se, u skladu sa zakonom, povjeriti ustanovama i drugim pravnim licima, koja su registrovana za djelatnost u okviru kojih je moguće obavljati i te poslove.

Član 20.

Općina je samostalna u odlučivanju u poslovima iz svog samoupravnog djelokruga, u skladu sa Ustavom Federacije, Ustavom Kantona, zakonom i ovim Statutom i odgovorna je za obavljanje tih poslova.

Član 21.

U Općini se, pored poslova iz člana 18. ovog Statuta izvršavaju i zakonom preneseni poslovi iz nadležnosti Federacije Bosne i Hercegovine (U daljem tekstu: Federacija) i Kantona.

IV – OPĆINSKI ORGANI VLASTI

Član 22.

Općinski organi su Općinsko vijeće i Općinski načelnik koji svoju funkciju vrše u skladu sa Ustavom, zakonom i ovim Statutom.

OPĆINSKO VIJEĆE

a) Opće odredbe

Član 23.

Općinsko vijeće je predstavničko tijelo građana koje donosi općinske propise i druge akte u okviru prava i dužnosti Općine iz samoupravnog djelokruga Općine, te obavlja i druge poslove, u skladu sa Ustavom, zakonima i Statutom općine.

Član 24.

Općinsko vijeće obavlja poslove iz svoje nadležnosti samostalno, na osnovu i u okviru Ustava Federacije, Ustava Kantona, Federalnog zakona, odnosno zakona Kantona i ovog Statuta.

Član 25.

Općinsko vijeće se sastoji od 25 (dvadesetpet) vijećnika.

Član 26.

Mandat članova Općinskog vijeća traje 4 (četiri) godine.

Član 27.

Izbor članova Općinskog vijeća vrši se u skladu sa Ustavom, zakonom i ovim Statutom.

Član 28.

Građani biraju članove Općinskog vijeća na osnovu slobodnog, općeg, jednakog i neposrednog izbornog prava, tajnim glasanjem.

Niko nema prava da bilo po kom osnovu pozove birače na odgovornost za glasanje, niti od njega tražiti da se izjasni za koga je glasao ili zašto nije glasao, niti ga može spriječiti da glasa.

Član 29.

Vijećnike Općinskog vijeća biraju demokratskim putem, birači na višestranačkim, neposrednim tajnim izborima na cijelom području Općine, u skladu sa Izbornim zakonom Bosne i Hercegovine.

Član 30.

Nespojive su funkcije vijećnika u Općinskom vijeću sa funkcijom Općinskog načelnika i općinskih rukovodećih službenika, općinskih službenika i namještenika, te sudaca Općinskog suda.

Član 31.

Općinsko vijeće će biti prvi put sazvano najkasnije trideset dana nakon objavljivanja rezultata izbora, ako zakonom nije drugačije određeno.

Član 32.

Prvu sjednicu Općinskog vijeća u novom sazivu, saziva predsjedavajući prethodnog saziva Općinskog vijeća i njome predsjedava do izbora novog predsjedavajućeg Općinskog vijeća.

Ako predsjedavajućeg Općinskog vijeća prethodnog saziva ili njegov zamjenik ne sazove konstitutivnu sjednicu u roku iz prethodnog člana, sjednicu će sazvati najstariji vijećnik novog saziva.

Član 33.

Na prvoj sjednici Općinskog vijeća, većinom glasova ukupnog broja vijećnika vrši se

izbor predsjedavajućeg, zamjenika predsjedavajućeg Općinskog vijeća, Općinskog načelnika i imenovanje sekretara Općinskog vijeća.

Član 34.

Predsjedavajući predstavlja Općinsko vijeće, saziva i predsjedava sjednicama Općinskog vijeća i potpisuje akte koji se donose na sjednicama Općinskog vijeća.

Zamjenik predsjedavajućeg zamjenjuje predsjedavajućeg Općinskog vijeća u slučaju njegove odsutnosti ili spriječenosti da obavlja svoju dužnosti i pomaže predsjedavajućem Općinskog vijeća u vršenju njegove dužnosti.

Član 35.

Mandat predsjedavajućeg i zamjenika predsjedavajućeg Općinskog vijeća traje do isteka mandata vijećnika.

Član 36.

Općinsko vijeće ima sekretara, koga imenuje na period od 4 (četiri) godine.

Sekretar Općinskog vijeća pomaže predsjedavajućem Općinskog vijeća u pripremanju sjednica, osiguravanju uslova za rad Općinskog vijeća i obavlja i druge poslove i zadatke utvrđene Poslovníkom o radu Općinskog vijeća ili koje mu povjeri predsjedavajući Općinskog vijeća. Za vrijeme svog mandata sekretar Općinskog vijeća ne može obavljati poslove za Općinskog načelnika, niti druge organe izvršne vlasti.

Član 37.

Predsjedavajući Općinskog vijeća i njegov zamjenik mogu podnijeti ostavku odnosno mogu biti smijenjeni, a sekretar Općinskog vijeća razriješen prije isteka mandata odlukom Općinskog vijeća.

Član 38.

Općinsko vijeće može obrazovati komisije, savjete, odbore, radne grupe i druga stalna i povremena radna tijela, čiji se sastav djelokrug i način rada uređuje Poslovníkom o radu Općinskog vijeća, odnosno odlukom o obrazovanju.

Član 39.

Članovi radnih tijela Općinskog vijeća imaju pravo na naknadu i druga prava utvrđena odlukom Općinskog vijeća u skladu sa zakonom.

Član 40.

Predsjedavajući Općinskog vijeća svoju dužnost obavlja profesionalno ili volonterski, o čemu odlučuje Općinsko vijeće.

Zamjenik predsjedavajućeg Općinskog vijeća svoju dužnost obavlja volonterski.

b) Nadležnost Općinskog vijeća

Član 41.

Općinsko vijeće nadležno je naročito za sljedeće poslove:

1. Priprema i donosi Statut Općine i odlučuje o njegovim promjenama,
2. Donosi odluke, druge propise i opće akte iz nadležnosti Općine,
3. Bira i smjenjuje predsjedavajućeg Vijeća i njegovog zamjenika,
4. Bira i smjenjuje Općinskog načelnika,
5. Imenuje i razrješava sekretara Općinskog vijeća, predsjednika i članove radnih tijela koje osniva Vijeće, kao i druga lica kada je to zakonom i Statutom utvrđeno,
6. Potvrđuje imenovanje i smjenjivanje Općinskog pravobranioca i zamjenika Općinskog pravobranioca,
7. Usvaja Budžet i Izvještaj o izvršenju Budžeta Općine na prijedlog Općinskog načelnika,
8. Donosi planove i programe razvoja u pojedinim oblastima iz samoupravnog djelokruga Općine,
9. Donosi propise o oporezivanju i na drugi način osigurava potrebno finansiranje koje je obezbijedila kantonalna ili federalna vlast,
10. Osniva javna preduzeća, javne ustanove i druga pravna lica za obavljanje privrednih, društvenih, komunalnih i drugih djelatnosti od interesa za Općinu,
11. Odlučuje o zaduživanju Općine i raspisuje javni zajam i samodoprinos,
12. Raspisuje referendum,
13. Osniva službe za upravu i uređuje njihovu organizaciju i rad i osniva Općinsko pravobranilaštvo,
14. Donosi Poslovník o svom radu,
15. Utvrđuje nazive za dijelove naseljenog mjesta,
16. Odlučuje o inicijativama za davanje i izmjenu naziva ulica, trgova, mostova i dr,
17. Ustanovljava općinske nagrade, priznanja i odlikovanja,
18. Određuje koji je općinski organ nadležan za drugostepeno upravno rješavanje, kada je u prvom stepenu rješavano na osnovu Statuta ili propisa Općinskog vijeća, u okviru isključivih prava i dužnosti Općine, ako taj organ nije određen Statutom Općine.
19. Obavlja i druge poslove koji su zakonom stavljeni u nadležnost Općine kao jedinice lokalne samouprave, odnosno poslove određene ovim Statutom.

Član 42.

Općinsko vijeće može donositi Odluke iz svoje nadležnosti ako je sjednici prisutna većina od

ukupnog broja članova Vijeća, a odlučuje većinom glasova od ukupnog broja svih članova Vijeća, osim ako je za pojedina pitanja ovim Statutom drugačije predviđeno.

Član 43.

Statut općine, Budžet općine, Odluka o izvršenju Budžeta, Odluka o zaduživanju općine, Odluka o danu općine, Odluka o nazivu naseljenih mjesta, donosi se dvotrećinskom većinom glasova općinskih vijećnika.

Član 44.

Na sjednici Općinskog vijeća glasa se javno, ako Vijeće ne odluči da se o pojedinim pitanjima glasa tajno.

Član 45.

Predsjedavajući Vijeća, zamjenik predsjedavajućeg Vijeća i Općinski načelnik, biraju se i smjenjuju, a sekretar Općinskog vijeća imenuje se i razrješava u pravilu, javnim glasanjem, ako Općinsko vijeće ne odluči drugačije.

Član 46.

Odluka o promjeni načina glasanja iz člana 44. i člana 45. donosi se u skladu sa članom 42. ovog Statuta.

Član 47.

Poslovníkom o radu Općinskog vijeća regulišu se pitanja koja se odnose na prava i obaveze vijećnika, njihovu odgovornost, postupak sazivanja prve sjednice Vijeća i njegovog konstituisanja, potvrđivanja mandata izabranih vijećnika, način izbora predsjedavajućeg Vijeća, svečane zakletve, postupak sazivanja sjednica Vijeća, utvrđivanje dnevnog reda na sjednici, utvrđivanje rezultata glasanja, ovlaštenu predlagajući sazivanja sjednice, postupak donošenja općinskih propisa, izvještavanje javnosti o sjednici, donošenje Programa rada Vijeća, određivanje radnih tijela Vijeća, njihov sastav, nadležnost i način rada, sadržaj i način vođenja zapisnika o radu sjednice i druga pitanja od značaja za organizovanje i rad Općinskog vijeća.

c) Općinski vijećnik

Član 48.

Općinski vijećnik (u daljem tekstu: vijećnik) je predstavnik građana u Općinskom vijeću, izabran neposrednim i tajnim glasanjem, sa mandatom, pravima i obavezama propisanim ustavom, zakonom i ovim Statutom.

Član 49.

Vijećnik vrši svoje dužnosti prema svom slobodnom uvjerenju.

Vijećnik se u javnom životu treba ponašati na primjeren i etičan način, te obavljati svoje

dužnosti savjesno i isključivo za dobrobit Općine i građana.

Član 50.

U vršenju svoje dužnosti u okviru lokalne samouprave, vijećnik naročito:

- učestvuje u donošenju odluka iz nadležnosti Općinskog vijeća i doprinosi kreiranju i provođenju općinske politike, kroz izvršavanje zakona, drugih propisa i općih akata;
- pokreće rasprave i daje inicijative za razmatranje i rješavanje pitanja iz nadležnosti Općinskog vijeća;
- predlaže donošenje odluka iz nadležnosti Općinskog vijeća;
- postavlja vijećnička pitanja o ostvarivanju i zaštiti prava građana u sprovođenju zakona i drugih propisa, te zakonitosti rada i postupanja organa uprave, odnosno institucija koje imaju javna ovlaštenja;
- brine se o ostvarivanju potreba građana, mjesnih zajednica i Općine.

Član 51.

Vijećnik ima pravo na naknadu za rad, naknadu troškova odnosno izgubljene zarade za vrijeme vršenje funkcije vijećnika.

O pravima vijećnika iz prethodnog stava, odlučuje Općinsko vijeće.

2. OPĆINSKI NAČELNIK

Član 52.

Nosilac izvršne vlasti, u okviru prava i dužnosti Općine, je Općinski načelnik.

Općinski načelnik svoju dužnost obavlja profesionalno.

Član 53.

Općinskog načelnika bira Općinsko vijeće većinom glasova svih vijećnika na način i po postupku utvrđenom Poslovníkom o radu Vijeća, u skladu sa zakonom.

Član 54.

Mandat Općinskog načelnika traje 4 (četiri) godine i nemože biti biran na tu funkciju više od dva puta uzastopno.

Općinski načelnik može podnijeti ostavku.

Općinski načelnik može biti smijenjen odlukom Općinskog vijeća prije isteka mandata na koji je izabran.

Odluka iz prethodnog stava donosi se natpolovičnom većinom ukupnog broja vijećnika.

Član 55.

Ako mjesto Općinskog načelnika ostane upražnjeno prije isteka mandata, Općinsko vijeće će izabrati novog načelnika u roku od 30 dana.

U periodu do izbora novog općinskog načelnika kao i u slučaju da Općinski načelnik bude privremeno u nemogućnosti da obavlja svoju dužnost, funkciju Općinskog načelnika obavljat će lice koje izabere Općinsko vijeće iz reda pomoćnika Općinskog načelnika.

Član 56.

Općinski načelnik predstavlja i zastupa Općinu.

Općinski načelnik u obavljanju poslova iz samoupravnog djelokruga Općine obavlja sljedeće poslove:

1. Provodi općinsku politiku i izvršava općinske propise,
2. Izvršava Općini prenesene poslove putem općinskih službi za upravu,
3. Postavlja i razrješava rukovodeće službenike i službenike s posebnim ovlaštenjima,
4. Imenuje i smjenjuje Općinskog pravobranioca i njegovog zamjenika,
5. Odlučuje o prijemu u radni odnos službenika i namještenika općinskih službi za upravu, kao i drugim statusnim pitanjima tih lica, u skladu sa zakonom,
6. Osigurava saradnju općinskih službi sa obdušmanima,
7. Podnosi izvještaj Općinskom vijeću o provođenju općinske politike i svojim aktivnostima,
8. Stara se o organizaciji općinskih službi i njihovom radu,
9. Priprema općinske propise i druge opće akte koje donosi Općinsko vijeće i predlaže te propise Općinskom vijeću na usvajanje,
10. Osigurava pripremu propisa koje donosi Općinsko vijeće,
11. Obavještava Skupštinu Kantona, odnosno nadležne kantonalne organe o izvršavanju kantonalne politike i kantonalnih zakona i drugih propisa i međunarodnih ugovora, kao i o stanju u odgovarajućoj oblasti, kada je njihovo izvršavanje povjereno Općini,
12. Odlučuje o dodjeli i uručuje općinska priznanja i nagrade kad je to određeno Odlukom Općinskog vijeća,
13. Obavlja i druge poslove u skladu sa zakonom i Statutom Općine.

Član 57.

Općinski načelnik odgovara Općinskom vijeću za obavljanje svih poslova lokalne samouprave, drugih poslova koji su zakonom Federacije i zakonom Kantona preneseni na Općinu.

Član 58.

Općinski načelnik u obavljanju poslova, utvrđenih u članu 56. ovog Statuta, dužan je da upozori Vijeće, ako ocijeni da je nekim aktom

Vijeća povrijeđen ustav, zakon ili drugi propis, te da zatraži od Općinskog vijeća da u roku od 15 dana otkloni uočene nedostatke.

Ukoliko Općinsko vijeće ne otkloni uočene nedostatke u utvrđenom roku, Općinski načelnik je dužan u roku od 7 dana o tome obavijestiti nadležni organ Kantona koji vrši nadzor nad zakonitošću rada organa Općine.

Član 59.

Za izvršavanje poslova iz svoje nadležnosti Općinski načelnik može formirati savjet.

Savjet pomaže Načelniku u donošenju, pripremanju i izvršavanju odluka i drugih akata iz njegove nadležnosti i vrši druge poslove utvrđene Statutom i drugim propisima Općine.

Odlukom Općinskog načelnika o osnivanju savjeta utvrđuje se sastav i broj članova savjeta.

3. OPĆINSKE SLUŽBE ZA UPRAVU

Član 60.

Za obavljanje upravnih i drugih stručnih poslova iz samoupravnog djelokruga Općine kao i upravnih i stručnih poslova koji se Federalnim zakonom i zakonom Kantona prenesu na Općinu i osnivaju se jedna ili više općinskih službi za upravu.

Općinske službe za upravu osniva Općinsko vijeće na prijedlog Općinskog načelnika.

Odlukom o osnivanju općinskih službi za upravu uređuju se pitanja koja se odnose na broj, naziv, nadležnost, rukovođenje, odgovornost i način rada općinskih službi za upravu.

Za obavljanje stručnih i drugih poslova za potrebe Općinskog vijeća i općinskih službi za upravu mogu se osnivati određene stručne, tehničke i druge službe, kao zajedničke ili samostalne službe, o čemu odlučuje Općinski načelnik.

Član 61.

Službama za upravu rukovodi općinski načelnik.

U rukovođenju službama za upravu Općinskom načelniku pomažu rukovodeći službenici.

Rukovodeći službenici iz prethodnog stava su pomoćnici.

Pomoćnik neposredno rukovodi određenom službom za upravu i obavlja druge poslove iz određene oblasti koje mu odredi Općinski načelnik.

Član 62.

Općinski načelnik može imati savjetnike.

Savjetnik obavlja složnije poslove iz određene oblasti koji zahtijevaju posebnu stručnost i samostalnost u radu.

Član 63.

Rukovodeće službenike i savjetnike bez konkursa postavlja i smjenjuje Općinski načelnik.

Općinski načelnik postavlja i smjenjuje službenike i druge namještenike općinskih službi za upravu, nakon provedenog javnog konkursa, odnosno oglasa, u skladu sa zakonom.

Član 64.

Unutrašnja organizacija općinskih službi za upravu uređuje se Pravilnikom o unutrašnjoj organizaciji.

Pravilnik o unutrašnjoj organizaciji sadrži djelokrug službe, organizacijske jedinice i njihovu nadležnost, sistematizaciju radnih mjesta i uslove u pogledu stručne spreme, radnog iskustva, stručnog ispita i broja izvršilaca, rukovođenje službom i odgovornosti za njen rad i druga pitanja bitna za organizovanje i rad službi.

Pravilnik o unutrašnjoj organizaciji donosi Općinski načelnik, uz saglasnost Općinskog vijeća.

Član 65.

Općinske službe za upravu, u skladu sa zakonom i ovim Statutom, neposredno obavljaju sledeće upravne i druge stručne poslove:

1. Izvršavaju općinske propise i druge opće akte iz samoupravnog djelokruga Općine,
2. Rješavaju u upravnom postupku o pravima i obavezama i pravnim interesima građana i pravnih lica iz samoupravnog djelokruga Općine,
3. Obavljaju nadzor nad djelatnošću javnih preduzeća i javnih ustanova koje obavljaju poslove na osnovu javnih ovlaštenja utvrđenih propisima Općine,
4. Daju inicijative za rješavanje određenih pitanja iz samoupravnog djelokruga Općine,
5. Pripremaju nacрте općinskih propisa i drugih općih akata iz svoje nadležnosti,
6. Obavljaju i druge poslove određene ovim Statutom i općinskim propisima,

Pored poslova iz stava 1. ovog člana, općinske službe za upravu obavljaju i upravne i druge stručne poslove koji su Federalnim zakonom odnosno zakonom Kantona, preneseni na Općinu.

Član 66.

Rad općinskih službi za upravu je javan.

Općinske službe za upravu samostalno obavljaju poslove iz svoje nadležnosti i za svoj rad odgovaraju Općinskom načelniku.

Član 67.

Za obavljanje određenih poslova iz nadležnosti Općinskih službi za upravu mogu se za jedno ili više naseljenih mjesta osnovati mjesni uredi izvan sjedišta službi za upravu.

Mjesne urede osniva Općinsko vijeće na prijedlog Općinskog načelnika. Odlukom o osnivanju mjesnih ureda određuje se nadležnost,

sjedište, područje, broj izvršilaca i nadzor nad obavljanjem poslova iz nadležnosti tog ureda.

Član 68.

U nadležnosti mjesnih ureda mogu se predvidjeti poslovi koji se odnose naročito na vođenje matičnih knjiga i obavljanje matične službe, ovjeravanje prepisa, potpisa i rukopisa raznih isprava, izdavanje uvjerenja ili potvrda o činjenicama o kojima vode službene evidencije kod općinskih službi za upravu, izdavanje propisanih isprava za stoku, primanje molbi i drugih podnesaka koje građani upućuju općinskim službama za upravu, davanje raznih obavještenja i pravnih savjeta koje traže građani, obavljanje službene dostave raznih pismena građanima i druge poslove od interesa za ostvarivanje prava i obaveza građana kod općinskih službi za upravu.

Član 69.

Sredstva za rad općinskih službi za upravu i mjesnih ureda osiguravaju se u budžetu Općine. Plaće i druge naknade općinskih službenika i drugih radnika općinskih službi za upravu uređuje se posebnim aktom Općinskog načelnika, u skladu sa zakonom.

4. OPĆINSKO PRAVOBRANILAŠTVO

Član 70.

Općinsko pravobranilaštvo je organ koji svoju funkciju vrši samostalno u skladu sa Ustavom Federacije BiH, Ustavom Kantona i drugim zakonima koji regulišu djelokrug rada Općinskog pravobranilaštva.

Pravnu zaštitu imovine i imovinskih interesa Općine vrši Općinsko pravobranilaštvo, koje Općinsko vijeće osniva posebnom odlukom.

Odlukom iz prethodnog stava utvrđuje se naročito: sjedište pravobranilaštva, način obezbjeđenja sredstava za njegov rad, broj zamjenika Općinskog pravobranioca i dan početka rada.

Član 71.

Funkciju Općinskog pravobranioca vrši Općinski pravobranilac i njegov zamjenik.

Općinskog pravobranioca i njegovog zamjenika imenuje i smjenjuje Općinski načelnik uz potvrdu Općinskog vijeća.

Član 72.

Sredstva za rad Općinskog pravobranilaštva osiguravaju se u budžetu Općine.

5. OPĆINSKI SUD

Član 73.

Sudsku vlast u Općini obavlja Općinski sud, u skladu sa zakonom.

Član 74.

Pitanja koja se odnose na finansiranje Općinskog suda, broj potrebnih sudija, kriterije i postupak njihovog izbora, izbor predsjednika Suda, vrijeme trajanja službe, davanje ostavke ili smjenjivanje, uslove službe, plaće i druge naknade sudija i druga pitanja od značaja za organizaciju i rad Općinskog suda, u skladu sa Ustavom Federacije, Ustavom Kantona, regulišu se zakonom.

Član 75.

Svi općinski organi vlasti dužni su izvršavati i pomagati u izvršavanju presuda i rješenja sudova u Bosni i Hercegovini.

6. OPĆINSKI SUD ZA PREKRŠAJE

Član 76.

Za vođenje prekršajnog postupka u prvom stepenu, osniva se Općinski sud za prekršaje u skladu sa zakonom Kantona.

Sva pitanja koja se odnose na funkcionisanje, organizaciju, broj sudija za prekršaje Općinskog suda za prekršaje regulišu se zakonom Kantona.

V – NEPOSREDNO UČESTVOVANJE GRAĐANA U ODLUČIVANJU U LOKALNOJ SAMOUPRAVI

Član 77.

Građani na području Općine mogu neposredno da učestvuju u raspravljanju i odlučivanju o lokalnim poslovima iz samoupravnog djelokruga Općine:

- Referendumom,
- Zborom građana,
- Građanskom inicijativom i
- Drugim oblicima

1. Referendum

Član 78.

Građani na području Općine mogu putem referenduma neposredno odlučivati o pitanjima koja su od njihovog interesa, a to su:

1. odlučivanje o prijedlogu za pormjenu Statuta Općine,
2. odlučivanje o prijedlogu za donošenje ili promjenu općinskog propisa ili drugog općeg akta iz samoupravnog djelokruga Općine,
3. predlaganje donošenja akata o pitanjima koja su od interesa za život i rad građana kao što je: izgradnja objekata komunalnog značaja, uređenje prostora, održavanje higijene i čistoće javnih površina na području Općine, prikupljanje sredstava za zadovoljavanje potreba građana i drugih pitanja od interesa za građane,
4. izjašnjavanje o inicijativi za konstituiranje novih općina ili izmjenu postojeće granice Općine,

5. izjašnjavanje građana o pitanjima od općeg interesa za Općinu, ako Općinsko vijeće zatraži takvo izjašnjavanje,

6. odlučivanje o osnivanju mjesne zajednice ili promjeni granica mjesnih zajednica; 7. druga pitanja predviđena zakonom ili propisom Općine.

Član 79.

Referendum se može, u skladu sa zakonom, ovim Statutom i propisima Općinskog vijeća, raspisati za cijelo područje Općine, ili za područje jedne, više mjesnih zajednica, jednog ili više naseljenih mjesta.

Član 80.

Odluku o raspisivanju referenduma donosi Općinsko vijeće.

Odlukom iz predhodnog stava ovog člana određuju se pitanja o kojima se građani na referendumu trebaju izjasniti, te dan i način održavanja referenduma i područje na kome se treba provesti referendum.

Od donošenja Odluke o raspisivanju referenduma do održavanja referenduma ne može biti kraće vrijeme od 30 dana, a ni duže od 90 dana.

Prijedlog za raspisivanje referenduma mogu podnijeti Općinski načelnik, najmanje jedna trećina vijećnika Općinskog vijeća, ili mjesna zajednica na čijem području se traži raspisivanje referenduma.

Prijedlog za raspisivanje referenduma sadrži pitanja o kojima se građani trebaju izjasniti na referendumu i područje na kojem se treba provesti referendum.

Član 81.

Pravo glasanja na referendumu imaju građani koji imaju prebivalište na području Općine, a koji su upisani u birački spisak.

Član 82.

Referendum provodi posebna komisija koju imenuje Općinsko vijeće, a na prijedlog Općinskog načelnika.

Komisiju iz predhodnog stava čine predsjednik, sekretar i tri člana.

Član 83.

Referendum se provodi po postupku propisanom zakonom i ovim Statutom.

Član 84.

Ako se na referendumu za prijedlog izjasnilo preko 50% građana koji su upisani u birački spisak, odluka o pitanju o kojem su se građani izjašnjavali usvojena je i obavezujuća je za Općinsko vijeće, općinskog načelnika i građane.

Član 85.

Općinsko vijeće je dužno da, najmanje jedanput godišnje, putem sredstava javnog

informisanja i nadležnih organa u mjesnim zajednicama, obavijesti građane o realizaciji odluke donesene na referendumu.

Član 86.

Ako se građani nisu izjasnili u skladu sa članom 83, referendum se po istom pitanju može raspisati nakon proteka šest (6) mjeseci od dana održavanja predhodnog izjašnjanja.

2. Zbor građana

Član 87.

Na zboru građani mogu raspravljati o svim pitanjima iz samoupravnog djelokruga Općine, inicirati i predlagati načine rješavanja određenog pitanja ili određenih pitanja vezanih za donošenje akata iz djelokruga rada Općinskog vijeća.

Član 88.

Općinsko vijeće ili Općinski načelnik može tražiti mišljenje od zbora građana o prijedlogu Općinskog propisa ili drugog općeg akta ili drugog pitanja iz samoupravnog djelokruga Općine.

Član 89.

Sazivanje i održavanje zbora građana vrši se u postupku utvrđenom Zakonom, ovim Statutom, statutom mjesne zajednice.

Član 90.

Zbor građana punovažno odlučuje ako je istom prisutno 10% građana od ukupnog broja birača upisanih u birački spisak za to područje, a odluke i zaključci zbora građana su punovažni ako je za odluku ili zaključak glasalo preko 50% prisutnih građana na tom zboru.

Na zboru građana se glasa javno (aklamacijom) ako zbor ne odluči drugačije.

Zbor građana može se održati po dijelovima mjesne zajednice (naseljenim mjestima).

Član 91.

Zaključci doneseni na zborovima građana dostavljaju se organima i institucijama na koje se isti odnose.

Nadležni organi iz prethodnog stava dužni su zaključke sa zbora građana razmotriti, a o svom stavu, odnosno preduzetim radnjama, obavijestiti zbor, najkasnije u roku od 60 dana.

3. Građanska inicijativa

Član 92.

O svakom pitanju iz djelokruga Općinskog vijeća može se pokrenuti rasprava putem građanske inicijative.

Član 93.

Građani imaju pravo i dužnost da o pitanjima od njihovog interesa iz samoupravne nadležnosti Općinskog vijeća ili mjesne zajednice pokreću inicijativu radi regulisanja određenih pitanja i aktivnosti, koja se nisu mogla na drugi način pokrenuti na raspravi ili pravno regulisati.

Građanska inicijativa se podnosi u pismenoj formi, sa najmanje 100 potpisa punoljetnih građana, nastanjenih na području Općine i ovjerenih od nadležnog organa. Građanskom inicijativom se formulišu pitanja ili aktivnosti o kojima se treba da izjasni ili riješi nadležni organ.

Organ koji razmatra i rješava građansku inicijativu, može prikupiti potrebne dokaze ili zakazati druge oblike izjašnjanja građana o opravdanosti podnesene inicijative.

Organ iz predhodnog stava dužan je u roku od 60 dana obavijesti podnosiocima građanske inicijative o stavovima i odlukama povodom podnesene inicijative.

4. Ostali oblici neposrednog izjašnjanja građana

Član 94.

Pored demokratskog izjašnjanja građana navedenih u odredbama ovog Statuta, radi pribavljanja mišljenja i volje građana za regulisanje određenih pitanja iz samoupravne nadležnosti Općine i mjesne zajednice, Općinsko vijeće, može organizovati izjašnjanje građana i putem ankete, intervjua, stručnih rasprava i okruglim stolovima.

Član 95.

Svaki građanin ima pravo Općinskom vijeću i Općinskom načelniku slati predstavke i pritužbe i davati prijedloge za rješavanje određenih pitanja iz djelokruga lokalnih poslova Općine.

Organi iz predhodnog stava ovog člana dužni su dati odgovor na predstavku, odnosno pritužbu, najkasnije u roku od trideset (30) dana od dana prijema predstavke.

Ako, zbog objektivnih razloga, Općinsko vijeće i Općinski načelnik nisu u mogućnosti, u roku iz predhodnog stava, dati odgovor na predstavku i pritužbu građanina o tome su dužni obavijestiti građanina, s tim da se odgovor na pritužbu, odnosno predstavku, mora dostaviti građaninu najkasnije u roku od šezdeset (60) dana od dana prijema.

VI – MJESNA SAMOUPRAVA

Član 96.

Mjesna samouprava je pravo građana da neposredno učestvuju u odlučivanju u određenim lokalnim poslovima koji neposredno utiču na njihov svakodnevni život i rad.

Član 97.

Mjesna samouprava se ostvaruje u mjesnoj zajednici.

Član 98.

Mjesna zajednica ima svojstvo pravnog lica, a stiže ga danom upisa u registar mjesnih zajednica koji vodi općinska služba za poslove opće uprave.

Postupak registracije i način vođenja registra mjesnih zajednica utvrđuje Općinsko vijeće.

Član 99.

Mjesna zajednica može biti osnovana za jedno naseljeno mjesto, više međusobno povezanih naseljenih mjesta, ili za naselja koja u odnosu na ostale dijelove naseljenog mjesta čini cjelinu.

Član 100.

Područje mjesne zajednice može biti promjenjeno: izdvajanjem dijela jedne ili više mjesnih zajednica u zasebnu mjesnu zajednicu, pripajanje dijela ili cijele jedne mjesne zajednice drugoj mjesnoj zajednici, spajanjem više mjesnih zajednica u jednu novu mjesnu ili podjelom jedne mjesne zajednice na više mjesnih zajednica.

Granice mjesnih zajednica, utvrđuju se prema granicama naseljenih mjesta, a gdje to nije moguće sporazumom mjesnih zajednica ili odlukom Općinskog vijeća.

Član 101.

O osnivanju mjesne zajednice i promjeni područja mjesne zajednice građani se izjašnjavaju referendumom.

Pravo učešća na referendumu imaju svi građani koji imaju biračko pravo, a sa područja na kojem se osniva nova mjesna zajednica ili dijela koji se izdvaja iz postojeće mjesne zajednice.

Član 102.

Inicijativu za promjenu područja ili osnivanje nove mjesne zajednice može dati:

- zbor građana područja na koje se odnosi promjena ili osnivanje nove mjesne zajednice,
- građanska inicijativa,
- Općinsko vijeće,
- Općinski načelnik.

Inicijativa iz predhodnog stava ovog člana treba da sadrži:

- područje za koje se predlaže osnivanje mjesne zajednice,
- način na koji se predlaže osnivanje mjesne zajednice (izdvajanje, razdvajanje, pripajanje, spajanje) ili promjena područja,
- razloge zbog kojih se predlaže osnivanje mjesne zajednice ili promjena njenog područja.

Inicijativa iz predhodnog stava dostavlja se u pismenom obliku.

Član 103.

Pokrenutu inicijativu iz predhodnog člana u skladu sa ovim Statutom razmatra zbor građana sa područja na kojem se inicira promjena granice mjesne zajednice ili osnivanje nove mjesne zajednice.

Stav zbora po pokrenutoj inicijativi sadrži sledeće podatke: vrijeme održavanja zbora, broj birača upisanih u birački spisak, broj prisutnih na zboru, sadržaj prihvaćene inicijative ili razloge odbijanja inicijative, broj učesnika koji se izjasnio za ili protiv inicijative, kao i broj učesnika koji su bili uzdržani od izjašnjavanja.

Član 104.

Stav zbora iz predhodnog člana dostavlja se Općinskom vijeću na razmatranje.

Ukoliko Općinsko vijeće prihvati inicijativu dužno je da donese odluku o raspisivanju referenduma najkasnije u roku od tri meseca od dana dostavljanja stava zbora iz predhodnog člana.

Član 105.

Mjesna zajednica je osnovana i promijenjena je područje mjesne zajednice ako se za odluku o njenom osnivanju i promjeni područja izjasnila referendumom većina građana, koji imaju biračko pravo i koji su sa područja za koje se osniva mjesna zajednica ili mijenja područje mjesne zajednice.

Odluka o osnivanju mjesne zajednice objavljuju se u «Službenom glasniku općine Kalesija».

Član 106.

Na zboru građana, nakon donošenja odluke o osnivanju nove mjesne zajednice, bira se osnivački odbor od tri do pet članova.

Osnivački odbor je dužan pripremiti statut i druge akte mjesne zajednice.

Član 107.

Mjesna zajednica je nadležna za obavljanje lokalnih poslova koji neposredno utiču na svakodnevne potrebe, život i rad građana, kao što su:

1. Razmatranje problematike, davanje inicijative i rješavanje pitanja izgradnje i održavanja puteva, kanalizacije, vodovoda i drugih komunalnih potreba.
2. Razmatranje problematike, davanje inicijative i rješavanje pitanja uređenja naselja, izgradnju i održavanje parkova, nasada, dječijih igrališta, sportskih objekata i slično.
3. Izgradnja i održavanje groblja u skladu sa zakonima i općinskim propisima.
4. Razmatranje problematike, davanje inicijativa i preduzimanje aktivnosti na

čišćenju javnih površina, odvozu smeća, odvođenju atmosferskih voda i zaštiti okoliša.

5. Obavljanje i drugih lokalnih poslova od interesa za život i rad građana u mjestu stanovanja određenih statutom mjesne zajednice, koji mora biti u skladu sa ovim Statutom i propisima Općine.

Član 108.

Posebnom odlukom Općinskog vijeća, a na prijedlog općinskog načelnika, mogu se na mjesnu zajednicu prenijeti određeni stručni poslovi iz samoupravnog djelokruga Općine koji su u nadležnosti općinskih službi za upravu, a koji su od neposrednog interesa za prava i obaveze građana.

Sredstva za obavljanje poslova iz predhodnog stava ovog člana obezbjeđuju se u budžetu Općine.

Član 109.

Mjesna zajednica ima svojstvo pravnog lica.
Mjesna zajednica ima svoj Statut.

Statut mjesne zajednice, po predhodno obavljenoj javnoj raspravi, usvaja vijeće mjesne zajednice, dvotrećinskom većinom ukupnog broja članova vijeća.

Član 110.

Statutom mjesne zajednice, u skladu sa zakonima i ovim Statutom, uređuje se: osnivanje mjesne zajednice, njena nadležnost, organi mjesne zajednice, njihova nadležnost, način finansiranja, odnos prema Općini i njenim organima, odnos prema drugim pravnim licima na području mjesne zajednice i saradnja sa drugim mjesnim zajednicama, kao i druga pitanja od značaja za rad mjesne zajednice.

Član 111.

Organi mjesne zajednice su:

1. Vijeće mjesne zajednice,
2. Predsjednik vijeća mjesne zajednice,
3. Zbor građana.

Član 112.

Broj članova vijeća mjesne zajednice utvrđuje se statutom mjesne zajednice koji ne može biti manji od 7 ni veći od 12 članova, a određuje se u zavisnosti od veličine područja, ekonomske razvijenosti i broja stanovnika svakog naselja ili dijela naselja na području mjesne zajednice.

Prilikom izbora članova vijeća mjesne zajednice mora se osigurati srazmjerna zastupljenost naselja ili dijela naselja prema njihovoj veličini.

Član 113.

Članove vijeća mjesne zajednice čine predstavnici naseljenih mjesta izabrani na zboru građana.

Mandat članova vijeća mjesne zajednice traje četiri godine.

Izbori članova vijeća mjesne zajednice vršice se najkasnije 90 dana od dana konstituisanja Općinskog vijeća.

Odluka o raspisivanju izbora za članove vijeća u mjesnim zajednicama donosi Općinsko vijeće.

Broj predstavnika naseljenih mjesta u vijeću mjesne zajednice, kandidacioni postupak i izbor članova vijeća regulisat će se statutom mjesne zajednice.

Član 114.

Vijeće mjesne zajednice iz svojih redova bira predsjednika vijeća na period od četiri godine.

Predsjednik vijeća mjesne zajednice predstavlja mjesnu zajednicu, saziva sjednice vijeća i predsjedava im, izvršava zaključke i odluke vijeća mjesne zajednice, predlaže finansijski plan i naredbodavac je za izvršenje finansijskog plana, obavlja i druge poslove utvrđene statutom mjesne zajednice.

Predsjednik vijeća mjesne zajednice za svoj rad odgovara vijeću mjesne zajednice.

Predsjednik vijeća mjesne zajednice saraduje sa Općinskim načelnikom i drugim organima Općine i odgovoran je Općinskom načelniku i Općinskom vijeću za one poslove i zadatke, koji su posebnom odlukom preneseni u nadležnost mjesne zajednice.

Član 115.

Vijeće mjesne zajednice:

- donosi statut mjesne zajednice,
- donosi poslovnik o radu,
- donosi program rada,
- donosi plan prihoda i rashoda mjesne zajednice,

- prati stanje i daje prijedlog Općinskom načelniku i drugim nadležnim organima za rješavanje socijalnih pitanja na području mjesne zajednice iz nadležnosti Općine,

- saraduje putem nadležnih općinskih službi za upravu sa potencijalnim donatorima zainteresovanih za ulaganje u mjesne zajednice (domaće i strane humanitarne organizacije, udruženja i sl.),

- prati rad kućnih savjeta i o problemima njihovog funkcionisanja obavještava Općinskog načelnika,

- prati stanje na području mjesne zajednice i predlaže Općinskom načelniku, mjere za bolje gazdovanje imovinom Općine u mjesnoj zajednici kao i za zaštitu i očuvanje javnih zelenih površina,

- podnosi izvještaj građanima za svaku realizaciju programa razvoja mjesne zajednice najkasnije 30 dana po završetku realizacije programa,

- izvještava zbor građana o svom radu, najmanje jednom godišnje,
- dostavlja Općinskom načelniku godišnje izvještaje o svom radu i izvještaje o realizaciji programa razvoja mjesne zajednice sa zapisnicima zbora građana o razmatranju tih izvještaja i
- vrši i druge poslove iz svoje nadležnosti, u skladu sa zakonom i ovim Statutom.

Član 116.

Ukoliko se utvrdi da vijeće mjesne zajednice ne izvršava poslove iz svoje nadležnosti ili u svom radu jednom prekrši ovaj Statut, statut mjesne zajednice ili druge propise općine može biti raspušteno i raspisani vanredni izbori za članove vijeća mjesne zajednice.

Inicijativu za raspuštanje vijeća mjesne zajednice mogu pokrenuti organi mjesne zajednice, Općinsko vijeće i Općinski načelnik.

Odluku o raspuštanje vijeća mjesne zajednice i raspisivanje vanrednih izbora donosi Općinsko vijeće.

Član 117.

Općinski načelnik, ako za to postoje opravdani razlozi, može po pokretanju inicijative za raspuštanje vijeća mjesne zajednice suspendovati rad vijeća mjesne zajednice i imenovati povjerenika za tu mjesnu zajednicu.

Općinski načelnik je obavezan imenovati povjerenika u mjesnoj zajednici u slučaju donošenja Odluke iz stava 3. prethodnog člana i u slučaju kada se organi mjesne zajednice ne konstituišu u roku od 90 dana od dana konstituisanja Općinskog vijeća.

Povjerenik obavlja poslove iz nadležnosti vijeća mjesne zajednice i za svoj rad odgovoran je Općinskom načelniku.

Član 118.

Vijeće mjesne zajednice obavezno je prije donošenja, značajnije odluke i planove koji su od neposrednog interesa za građane ili koji zahtijevaju neposredna materijalna davanja građana iznijeti na javnoj raspravi na zborove građana.

Vijeće mjesne zajednice može, u skladu sa statutom mjesne zajednice, sazvati mjesne zborove građana radi raspravljanja o određenim potrebama i interesima građana, te davanja prijedloga za rješavanje pitanja od mjesnog značaja.

Član 119.

Način sazivanja zborova građana, njihov rad i odlučivanje, izbor predsjedavajućeg zbora građana i druga pitanja u vezi zbora građana, u skladu sa ovim Statutom, uređuju se statutom mjesne zajednice.

Ako se na ponovljenom zboru građana ne odazove potreban broj građana za njegovo punovažno odlučivanje, a odluke i zaključci su neophodni i hitni, zbor će se održati i odluke i

zaključci su punovažni ako je za njih glasala nadpolovična većina prisutnih na tom zboru.

Član 120.

Zadovoljavanje potreba i interesa građana u mjesnoj zajednici finansira se iz:

1. sredstava građana koja oni udružuju putem samodoprinosu ili na drugi način,
2. naknada za usluge i drugih prihoda koje svojim aktivnostima ostvaruje mjesna zajednica,
3. prihoda koje općina ustupa mjesnoj zajednici u skladu sa planovima razvoja mjesne zajednice, odnosno općine,
4. poklona i drugih sredstava.

Član 121.

Nadzor nad zakonitošću rada organa mjesne zajednice obavlja Općinski načelnik.

VII – IMOVINA OPĆINE I FINANSIRANJE LOKALNE SAMOUPRAVE

1. Imovina općine

Član 122.

Sve pokretne i nepokretne stvari, kao i prava u skladu sa važećim zakonima čine imovinu Općine.

Imovinom u vlasništvu Općine, mora se upravljati pažljivo po načelima dobrog domaćina.

O sticanju, davanju na raspolaganje, o prodaji, davanju na korištenje, davanju u zakup, kao i drugim oblicima raspolaganja općinskom imovinom odlučuje Općinsko vijeće, samostalno ili na prijedlog Općinskog načelnika.

Za realizaciju proisteklih obaveza po odlukama Općinskog vijeća iz prethodnog stava odgovoran je Općinski načelnik.

Član 123.

Nepokretna imovina Općine može se u skladu sa zakonom, dati u zakup preduzećima i drugim pravnim licima, kao i građanima.

O davanju nepokretnosti u zakup raspisuje se oglas.

Način korištenja nepokretne imovine Općine date u zakup i obaveze korisnika te imovine utvrđuje se ugovorom koga u ime Općine zaključuje Općinski načelnik.

Član 124.

Općinsko vijeće može, ako to opće potrebe nalažu u oblasti poslova iz samoupravnog djelokruga Općine, osnovati javno preduzeće ili javnu ustanovu, u skladu sa zakonom.

Aktom o osnivanju javnog preduzeća, odnosno javne ustanove propisuje se način upravljanja preduzećem, odnosno ustanovom, prava osnivača, korištenje ostvarene dobiti i druge

obaveze preduzeća, odnosno ustanove prema Općini.

2. Finansiranje lokalne samouprave

Član 125.

Općina ima u skladu sa Ustavom i zakonom, svoje prihode kojima, u okviru samopravnog djelokruga samostalno raspolaže.

Član 126.

Općini pripadaju prihodi utvrđeni zakonom i drugim propisima, kao i sredstva za obavljanje prenesenih poslova.

Općini pripadaju javni prihodi u skladu sa Kantonalnim propisima.

Općini pripadaju prihodi od:

- nepokretnih i pokretnih stvari u vlasništvu Općine,

- pravnih lica čiji je osnivač Općina,

- koncesija, koje po propisima pripadaju Općini,

- prodaje nepokretnih i pokretnih stvari u vlasništvu Općine,

- naknada i taksi, koje su utvrđene općinskim propisima,

- pomoći, donacije i dotacije,

- pokloni, nasljedstva i legata,

- naknada troškova iz budžeta Kantona za obavljanje prenesenih poslova iz nadležnosti Kantona,

- drugi prihodi utvrđeni zakonom i drugim propisima.

Na osnovu neposrednog izjašnjavanja građana mogu se prikupljati sredstva za zadovoljavanje potreba građana u skladu sa zakonom i ovim statutom.

Član 127.

Općina samostalno raspolaže prihodima koji joj pripadaju i može se zaduživati i zaključivati ugovore o kreditu.

Član 128.

Svi prihodi i rashodi Općine uređuju se budžetom Općine.

Budžet Općine, kao i njegove izmjene i dopune donosi Općinsko vijeće na prijedlog Općinskog načelnika.

Budžet Općine donosi se za jednu kalendarsku godinu i u pravilu prije početka godine za koju se budžet donosi.

Član 129.

Ukoliko se budžet Općine za narednu godinu ne može donijeti prije početka godine za koju se donosi, vrši se privremeno finansiranje i to najduže do tri mjeseca.

Odluku o privremenom finansiranju donosi Općinsko vijeće na prijedlog Općinskog načelnika.

Član 130.

Općinsko vijeće donosi odluku o izvršenju budžeta Općine kojom se uređuju uslovi, način i postupak raspolaganja prihodima i rashodima.

Odluka iz predhodnog stava donosi se uz budžet Općine.

Za izvršenje općinskog budžeta odgovoran je Općinski načelnik.

Član 131.

Iz budžeta Općine finansiraju se djelatnosti Općinskog vijeća i njegovih radnih tijela, Općinskog načelnika i općinskih službi za upravu, određene djelatnosti u oblasti komunalnih i društvenih službi radi zadovoljavanja osnovnih potreba građana, zaštita prirode i okoliša, mjesni uredi, mjesne zajednice i druge potrebe iz domena samopravnog djelokruga Općine, o čemu odlučuje Općinsko vijeće.

Član 132.

Po isteku godine za koju je budžet Općine donesen sastavlja se završni račun o izvršenju budžeta koji donosi Općinsko vijeće na prijedlog Općinskog načelnika.

Član 133.

Općina može udruživati svoja sredstva sa sredstvima drugih općina radi izgradnje objekata ili obavljanja djelatnosti od zajedničkog interesa.

Aktom o udruživanju sredstava utvrđuje se visina sredstava i njihova namjena, način obezbjeđenja, rokovi i druge obaveze Općine u vezi udruživanja tih sredstava.

Član 134.

Općinsko vijeće obavlja poslove nadzora nad materijalnim i finansijskim poslovanjem organa vlasti Općine putem odgovarajuće komisije koju osniva svojim posebnim aktom.

U okviru nadzora iz stava 1. ovog člana, Općinsko vijeće obustavit će od izvršenja, poništiti, odnosno ukinuti nezakoniti akt o materijalnom, odnosno finansijskom poslovanju koji je donio organ vlasti Općine.

Nadzor nad materijalnim i finansijskim poslovanjem organa vlasti Općine, u skladu sa zakonom, obavlja i nadležni organ Kantona, odnosno nadležni federalni organ, u skladu sa zakonom Kantona, odnosno Federalnim zakonom.

VIII – PROPISI I DRUGI AKTI OPĆINE

1. Akti Općinskog vijeća

Član 135.

Općinsko vijeće donosi Statut, odluke i druge propise, u skladu sa ustavom, zakonom i ovim Statutom i daje autentična tumačenja propisa koje donosi.

Poslovníkom Općinskog vijeća bliže se uređuju sadržaj i način pripremanja i donošenja općinskih propisa i drugih akata iz predhodnog stava, kao i način njihovog objavljivanja.

Član 136.

Općinsko vijeće donosi općinske propise i druge akte i o pitanjima koja su zakonom Kantona, odnosno zakonom Federacije prenesena na Općinu, ako je zakonom o prenošenju tih poslova predviđeno bliže uređenje i donošenje tog propisa.

Općinsko vijeće donosi opće propise u obliku odluke, naredbe i uputstva.

Član 137.

Odlukom se uređuju pitanja i odnosi iz samoupravnog djelokruga Općine osnivaju općinske službe za upravu i druga tijela Općine; uređuju pitanja koja se odnose na prihode i finansijska sredstva Općine; osnivaju javna preduzeća, ustanove i druga pravna lica, utvrđuju određena pitanja, koja su zakonom Federacije, odnosno zakonom Kantona prenesena na Općinu, a predviđeno je donošenje općinskog propisa; te i o drugim pitanjima određenim zakonom i ovim Statutom.

Član 138.

Naredbom se radi izvršavanja određenih pitanja iz samoupravnog djelokruga Općine, naređuje ili zabranjuje postupanje u određenoj situaciji, koja ima opći značaj na području Općine.

Član 139.

Uputstvom se propisuje način rada i izvršavanja poslova iz samoupravnog djelokruga Općine.

Član 140.

U obavljanju poslova iz svoje nadležnosti, Općinsko vijeće donosi rješenja i zaključke kao pojedinačne akte.

Rješenjem se odlučuje o imenovanjima, postavljenjima i razrješenjima, odnosno smjenjivanju, o dodjeli određenih prava ili utvrđivanju ili oduzimanju određenih prava, kao i o drugim pojedinačnim pitanjima iz nadležnosti Općinskog vijeća.

Zaključkom se utvrđuju stavovi o pitanjima od značaja za utvrđivanje određene politike općih propisa, određuju zadaci za općinskog načelnika ili općinske službe za upravu prilikom razmatranja pitanja iz njihovog djelokruga i drugim pojedinačnim pitanjima iz nadležnosti Općinskog vijeća.

Član 141.

Općinsko vijeće može donositi i rezolucije.

Rezolucijom se utvrđuju stanje u pojedinim oblastima društvenog rada i života na području

Općine i predlažu odgovarajuće mjere, aktivnosti i postupci.

2. Akti Općinskog načelnika

Član 142.

Općinski načelnik u izvršavanju poslova iz svoje nadležnosti može donositi provedbene opće akte radi primjene općinskih propisa iz člana 135. ovog Statuta, odnosno primjene zakona ako je zakonom predviđeno donošenje takvog općeg akta.

Provedbeni opći akti koje donosi Općinski načelnik su: odluka, pravilnik, instrukcija, rješenja i naredba.

Općinski načelnik može donositi opće akte iz stava 2. ovog člana ako je za to ovlašten propisom iz člana 134. ovog Statuta.

Član 143.

Odluka se donosi kao akt vršenja prava i dužnosti Općinskog načelnika u vezi sa izvršavanjem Zakona, drugih propisa i općih akata.

Pravilnikom se razrađuju pojedine odredbe odnosno pitanja uređena propisima iz člana 135. ovog Statuta, radi obezbjeđenja odgovarajuće primjene tog propisa.

Instrukcijom se utvrđuju pobliže pravila i uputstva za rad općinskih službi za upravu i drugih institucija na provođenju i primjeni određenih odluka Općinskog vijeća i drugih općinskih propisa.

Rješenjem se uređuju pojedina konkretna pitanja iz nadležnosti Općinskog načelnika.

Naredbom se naređuje i zabranjuje postupanje u određenoj situaciji koja ima opći značaj za područje Općine.

Član 144.

U izvršavanju općinskih propisa iz člana 135. ovog Statuta, Općinski načelnik donosi rješenja i druga pojedinačna akta kojima se u upravnom postupku rješava o pravima, obavezama i pravnim interesima fizičkih i pravnih lica u prvom stepenu na temelju tih propisa.

Pripremu nacrtu rješenja i drugih pojedinačnih akata iz stava 1. ovog člana, obavljaju Općinske službe za upravu, svaka u pitanjima iz svoje nadležnosti.

Općinski načelnik može ovlastiti rukovodeće službenike da u pojedinim pitanjima donose rješenja i druge pojedinačne akte iz stava 1. ovog člana, o čemu se mora donijeti posebno rješenje o prenošenju tog ovlaštenja, ako to nije propisano pravilnikom o unutrašnjoj organizaciji službi za uprave Općine.

Protiv prvostepenih rješenja i drugih prvostepenih pojedinačnih akata iz stava 1. i 3. ovog člana, zainteresovana osoba ima pravo izjaviti žalbu u roku od 15 dana od dana prijema tog akta, ako zakonom nije drugačije određeno.

O žalbi iz stava 4. ovog člana, u drugom stepenu rješava nadležni organ određen zakonom, a ako zakonom nije određeno rješava organ određen posebnom odlukom Općinskog vijeća.

Protiv rješenja donesenog u drugom stepenu u skladu sa odredbom stava 5. ovog člana može se pokrenuti upravni spor kod nadležnog suda, u skladu sa zakonom.

Član 145.

Rješenja i druga pojedinačna akta Općinski načelnik, odnosno rukovodeći službenik donosi i u slučajevima kada odlučuje u upravnom postupku o pravima, obavezama i pravnim interesima građana i pravnih lica na osnovu Federalnog ili Kantonalnog zakona kojima su upravni i stručni poslovi preneseni na Općinu.

Protiv ovih rješenja i pojedinačnih akata može se izjaviti žalba, i to:

1. Na rješenje i druga pojedinačna akta koja su donesena na osnovu zakona ili drugog propisa kantona – nadležnog organa uprave Kantona, ako zakonom nije drugačije određeno,

2. Na rješenja i druga pojedinačna akta koja su donesena na osnovu zakona ili drugog propisa Federacije – nadležnom federalnom organu uprave, ako Federalnim zakonom nije drugačije određeno.

Član 146.

Pri donošenju rješenja i drugih pojedinačnih akata iz člana 144. i 145. ovog Statuta, primjenjuju se pravila upravnog postupka i upravnog spora koja su utvrđena zakonom.

Član 147.

Općinski propisi iz člana 135. i opći akti iz ovog Statuta, stupaju na snagu kao što je u njima propisano.

Propisi i opći akti iz stava 1. ovog člana objavljuju se u «Službenom glasniku općine Kalesija».

IX – UPRAVNI NADZOR

Član 148.

Nadzor nad zakonitošću rada Općinskih organa vlasti vrše u skladu sa ustavima i zakonima nadležni organi Federacije i Kantona.

Općinski načelnik je dužan organima iz stava 1. ovog člana omogućiti ostvarivanje nadzora i postupiti po nalogima tih organa.

Član 149.

Općinski načelnik je odgovoran za ustavnost i zakonitost općih i pojedinačnih upravnih akata koje donosi prema ovom Statutu i Federalnom odnosno Kantonalnom zakonu.

Član 150.

Izveštaj organa iz člana 148. ovog Statuta povodom izvršenog nadzora nad zakonitošću rada i zakonitošću općih i pojedinačnih upravnih akata, razmatra Općinsko vijeće i u skladu sa svojim ovlaštenjima utvrđuje odgovarajuće zaključke radi otklanjanja uočenih nezakonitosti i nepravilnog postupanja.

Realizacija zaključka iz stava 1. ovog člana osigurava Općinski načelnik.

X – SARADNJA SA DRUGIM OPĆINAMA I UDRUŽIVANJE OPĆINE U ZAJEDNICE I SAVEZE OPĆINA

Član 151.

U obavljanju poslova iz samoupravnog djelokruga, Općina ostvaruje saradnju s drugim općinama, a posebno sa susjednim općinama.

Saradnja iz stava 1. ovog člana planira se i ostvaruje u onim poslovima koji su od njihovog zajedničkog interesa.

Saradnju s drugim općinama, u skladu sa odredbama st.1 i 2. ovog člana, ostvaruje Općinsko vijeće, odnosno Općinski načelnik, svako u pitanjima iz svog djelokruga.

Član 152.

Općina se može udruživati, u savez općina za određeno područje, u skladu sa zakonom.

Odluku o udruživanju Općine u savez općina donosi Općinsko vijeće, samostalno ili na prijedlog Općinskog načelnika.

Odlukom o udruživanju Općine u savez općina utvrđuju se ciljevi udruživanja, način ostvarivanja tih ciljeva u savezu općina i druga pitanja od značaja za rad u savezu općina.

Član 153.

Općina može pristupiti međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa ustavom i zakonom.

Odluku o pristupanju udruženjima, odnosno ostvarivanju saradnje iz stava 1. ovog člana donosi Općinsko vijeće samostalno ili na prijedlog Općinskog načelnika.

Član 154.

Općina se može udruživati u odgovarajući savez općina Federacije, odnosno savez općina Bosne i Hercegovine o čemu odlučuje Općinsko vijeće.

Udruživanje iz stava 1. ovog člana ima za cilj da se u Savezu općina Federacije, odnosno Savezu općina Bosne i Hercegovine ostvaruju i unapređuju određeni zajednički interesi i osigurava njihova zaštita.

XI – POSTUPAK ZA DONOŠENJE, ODNOSNO PROMJENU STATUTA OPĆINE

Član 155.

Statut Općine donosi Općinsko vijeće dvotrećinskom većinom glasova od ukupnog broja vijećnika Općinskog vijeća.

Član 156.

O promjeni Statuta Općine odlučuje Općinsko vijeće.

Prijedlog za promjenu Statuta može podnijeti 1/3 članova Općinskog vijeća, odnosno Općinski načelnik.

Prijedlog mora biti obrazložen, a podnosi se predsjedavajućem Općinskog vijeća.

Inicijativu za promjenu Statuta Općine mogu dati građani putem mjesnih zborova, kao i građanskom inicijativom.

Član 157.

Prijedlog za promjenu Statuta općine, prije raspravljanja na sjednici Općinskog vijeća razmatra i daje svoj stav nadležna komisija Općinskog vijeća za statutarna pitanja i propise.

Općinsko vijeće može raspisati referendum za promjenu Statuta Općine.

Ako se ne prihvati prijedlog za promjenu Statuta, isti se prijedlog ne može ponovo staviti na dnevni red Vijeća prije isteka šest mjeseci od dana kada je rasprava o prijedlogu na Vijeću zaključena.

Prihvaćeni prijedlog za promjenu Statuta Općine dostavlja se svim članovima Općinskog vijeća, mjesnim zajednicama, političkim strankama koje djeluju na području Općine, radi raspravljanja i davanja primjedbi i prijedloga.

Promjena Statuta Općine je usvojena ako je za promjenu glasalo dvije trećine vijećnika od ukupnog broja vijećnika Općinskog vijeća.

Promjena Statuta Općine vrši se odlukom Općinskog vijeća.

Član 157.

Promjenama Statuta Općine ne mogu se ukinuti niti umanjiti ni jedno od ljudskih prava i sloboda utvrđenih u članu 11. A. 1. do 7. Ustava Federacije i instrumentima predviđenim u Aneksu Ustava Federacije.

XII – JAVNOST RADA I TRANSPARENTNOST

Član 158.

Općina obezbjeđuje javnost rada u postupku donošenja odluka, uključivanja javnosti, odnosno

omogućavanje građanima da neposredno učestvuju u postupku donošenja i odlučivanja u skladu sa zakonom i ovim Statutom.

Član 159.

Transparentnost rada Općina ostvaruje kroz otvorenost postupka realizacije općinskih propisa i akata, primjenu zakona i drugih propisa, te kroz upoznavanje javnosti sa njihovom primjenom.

Transparentnost se obezbjeđuje kroz slobodu pristupa informacijama i informisanju javnosti, objavljivanje izvještaja, Budžeta i drugih sadržaja, putem sredstava javnog informisanja, vlastitog informacionog sistema, izdavanje informativnog biltena i druge oblike informisanja.

Član 160.

Općina će objaviti i na drugi način učiniti javno dostupnim svoje propise i akte.

Općina neće objaviti i na drugi način učiniti javno dostupnim propise i akte čije bi objavljivanje bilo u suprotnosti sa zakonom, drugim propisima i aktima Općinskog vijeća, kao ni informacije koje uključuju lične interese koji se odnose na privatnost trećeg lica, osim ako je to opravdano javnim interesom.

XIII – PRELAZNE I ZAVRŠNE ODREDBE

Član 161.

Do donošenja općinskih propisa iz samoupravnog djelokruga Općine, predviđenih ovim Statutom, primjenjivat će se općinski propisi koji su na snazi na dan donošenja ovog Statuta, ukoliko nisu u suprotnosti sa Ustavom Federacije, federalnim zakonima, Ustavom Kantona, kantonalnim zakonima i odredbama ovog Statuta.

Član 162.

U roku od šest mjeseci, od dana stupanja na snagu ovog Statuta, Općinsko vijeće i Općinski načelnik će uskladiti postojeće općinske propise i druge opće akte sa odredbama ovog Statuta.

Član 163.

Mjesne zajednice konstituisane do stupanja na snagu ovog Statuta dužne su uskladiti svoja akta sa ovim Statutom najkasnije u roku od šest mjeseci od dana stupanja na snagu ovog Statuta.

Član 164.

Na javne dužnosti u Općinske organe vlasti ne mogu se birati osobe osuđene ili optužene za ratne zločine niti osobe protiv kojih je pokrenut postupak zbog ratnih zločina pred međunarodnim sudom za bivšu Jugoslaviju u Hagu.

Član 165.

Danom stupanja na snagu ovog Statuta prestaje da važi Statut općine Kalesija («Službeni glasnik općine Kalesija», broj:9/98) i Odluka o

izmjenama i dopunama Statuta općine Kalesija («Službeni glasnik općine Kalesija», broj: 5/99).

Član 166.

Statut stupa na snagu osmog dana od dana objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-4089/02
Datum, 16.12.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc.s.r.

63

Na osnovu člana 15. do 25. Zakona o budžetima ("Sl. novine FBiH", broj 20/98) i člana 36. Statuta općine Kalesija ("Sl. glasnik općine Kalesija", broj 9/98), Općinsko vijeće Kalesija na sjednici održanoj dana 15.12.2003. godine, d o n o s i

ODLUKU

o izmjenama i dopunama Odluke o budžetu općine Kalesija za period I – XII 2003. godine

Član 1.

Izmijenjeni I dopunjeni budžet općine Kalesija Kalesija period I – XII 2003. godine, s a d r ž i:

Ukupne prihode u iznosu 2.791.894,00

Od toga

Raspoređeno za utvrđene namjene 2.741.894,00

Tekuća rezerva 50.000,00

Član 2.

Prihodi po izvorima i vrstama i raspored prihoda na osnovne i bliže namjene utvrđeni su u Bilansu budžeta općine Kalesija za period 01.01. do 31.12.2003. godine

A. PRIHODI

Broj računa	P R I H O D I	BUDŽET 2003.	IZMIJENJENI	INDEX
kontnog pl		GODINE	BUDŽET 2003.G.	
1	2	3	4	5
	UKUPNI PRIHODI			
710000	Prihodi od poreza	1.501.690,00	1481270,00	0,99
720000	Neporezni prihodi	1.098.670,00	977924,00	0,89
730000	Tekuće potpore igrantovi	50.000,00	65000,00	1,30
811000	Kapitalni primitci	499.850,00	267700,00	0,54
	UKUPNI PRIHODI	3.150.210,00	2791894,00	0,89
711100	POREZ NA DOBIT			
711111	Porez na dobit od privrednih I profesionalnih djelatnosti	31.200,00	31200,00	1,00
711112	Porez na dobit od poljoprivrednih djelatnosti	120.000,00	150,00	0,00
711113	Porez od autorskih prava	1000,00	1600,00	1,60
711114	Porez na ukupan prihod fizičkih lica	25000,00	25000,00	1,00
711115	Porez na prihod od imovine i imovinskih prava	2.300,00	2300,00	1,00
711116	Porez od igara na sreću			
	SVEGA GRUPA 711:	179.500,00	60250,00	0,34
713100	POREZI NA PLAĆE			
713111	Porez na plaću I druga osobna primanja	134.100,00	139300,00	1,04
713113	Porez na dodatna primanja	42.600,00	42600,00	1,00
	SVEGA GRUPA 713:	176.700,00	181900,00	1,03
714100	POREZ NA IMOVINU			
714111	Porez na imovinu	208.600,00	208600,00	1,00
714121	Porez na naslijeđa I darove	2.950,00	320,00	0,11
714131	Porez na promet od nepokretnosti	181.440,00	228600,00	1,26
714132	Porez na promet od nepokretnosti fizč.lica	500,00		
714141	Povremeni porezi na imovinu			
	SVEGA GRUPA 714:	393.490,00	437520,00	1,11
715100	POREZ NA PRODAJU DOBARA I USLUGA, UKUPNI PROMET ILI DODATNU VRIJED.			
715132	Porez na promet proizvoda TB 2	113.000,00	157200,00	1,39
715141	Porez na promet usluga	164.700,00	164700,00	1,00
715912	Porez na promet nafte i naft.der.iz.tb.2	26.100,00	46200,00	1,77
715913	Porez na promet energenata iz tb 2	95.500,00	98100,00	1,03
715914	Porez na promet osnovnih proizvoda polj.i rib	101.200,00	83900,00	0,83
715915	Porez na promet osn.proiz.za.građ.	251.500,00	251500,00	1,00
	SVEGA GRUPA 715:	752.000,00	801600,00	1,07
	UKUPNO POREZNI PRIHODI:	1.501.690,00	1481270,00	0,99
720000	II NEPOREZNI PRIHODI			
721100	JAVNI PRIHODI OD NEFINANSIJSKIH JAVNIH PREDUZEĆA I FINANSIJSKIH INST.			
721121	Prihodi od zemljišne rente	55.000,00	19100,00	0,35
721122	Prihodi od iznajmljivanja posl prostora-zemljišta	86.900,00	13500,00	0,16

721211	Prihodi od kamata na depozite	2.300,00	161,00	0,07
721213	Prihodi od koncesija	50.000,00		
	SVEGA GRUPA 721:	144.200,00	32761,00	0,23
722000	NAKNADE I TAKSE I PRIHODI OD PRUŽANJA USLUGA			
722131	Općinske administrativne takse	171.200,00	171200,00	1,00
722321	Općinske komunalne takse	45.800,00	62000,00	1,35
722431	Općinske naknade-Građevinsko zemljište	55.000,00	14700,00	0,27
722439	Naknade za korištenja gradskog građevinskog zem	960,00	390,00	0,41
722531	Naknade za upotrebu cesta pravnih lica	37.760,00	22900,00	0,61
722532	Naknade za upotrbu cesta građana	80.870,00	69373,00	0,86
722533	Naknade za puteva iz cijena naftnih derivata	201.580,00	322800,00	1,60
722611	Prihodi od pružanja usluga građanima	361.300,00	268500,00	0,74
722631	Prihodi od pružanja usluga	15.100,00	13300,00	0,88
	SVEGA GRUPA 722:	954.470,00	945163,00	0,99
	UKUPNO NEPOREZNI PRIHODI:	1.098.670,00	977924,00	0,89
	III TEKUĆE POTPORE I GRANTOVI			
731000	Grantovi iz inostranstva			
732112	Primljeni grantovi iz Federacije			
732114	Primljeni grantovi od kantona	50.000,00	44900,00	0,90
732117	Primljeni grantovi od Mjesnih zajednica		20100,00	
	SVEGA GRUPA 73:	50.000,00	65000,00	1,30
	IV KAPITALNI PRIMITCI			
811000	Primitci od prodaje stalnih sredstava			
811111	Primitci od prodaje zemljišta	369.850,00	137700,00	0,37
811112	Primitci od prodaje ZCM	80.000,00	80000,00	1
811113	Primitci od prodaje poslovnih prostora	50.000,00	50000,00	1
811911	Prihodi od prodaje opreme			
	SVEGA GRUPA 811:	499.850,00	267700,00	0,54
	UKUPNI PRIHODI:	3.150.210,00	2791894,00	0,89
	UKUPNO	3.150.210,00	2791894,00	0,89

B IZDACI

Ekonomski kod	IZDACI	BUDŽET 2003	IZMJENJENI BUDŽET 2003.G.	INDEX
1	2	3	4	5
591111	Neraspoređeni višak rashoda iz pred.god.	368.437,25	265000,00	0,7193
	SVEGA GRUPA 59:	368.437,25	265000,00	0,7193
610000	A DOZNAKE ZA TEKUĆE IZDATKE			
611000	PLATE I NAKNADE TROŠKOVA ZAPOSLENIH			
611100	Bruto plaće	707.232,75	695.006,00	0,98
611200	Naknade troškova zaposlenih i vijećnika	373.370,00	292.858,00	0,78
	SVEGA GRUPA 611:	1.080.602,75	987864,00	0,91
612000	DOPRINOSI POSLODAVCA			
612100	Doprinosi poslodavca	71.800,00	84.170,00	1,17

	SVEGA GRUPA 612:	71.800,00	84170,00	1,17
613000	IZDACI ZA MATERIJAL I USLUGE			
613100	Dnevnice	9200,00	15300,00	1,66
613200	Izdaci za energiju	37.100,00	47.510,00	1,28
613300	Izdaci za komunalne usluge	73.070,00	89.330,00	1,22
613400	Nabavka materijala	48.800,00	54.900,00	1,13
613500	Izdaci usluge prevoza I goriva	32.600,00	46.300,00	1,42
613600	Unajmljivanje imovine I opreme	15.000,00	15.000,00	1,00
613700	Izdaci za tekuće održavanje	39.600,00	39.300,00	0,99
613800	Izdaci osiguranja, bankarskih usluga I platnog prometa	7.700,00	7.850,00	1,02
613900	Ugovorne obaveze	110000,00	117640,00	1,07
	SVEGA GRUPA 613:	373070,00	433130,00	1,16
614000	TEKUĆI GRANTOVI			
614100	Tekuća rezerva	50.000,00	50.000,00	1
614110	Grantovi drugim nivoima vlasti	47.000,00	47.000,00	1
614200	Grantovi pojedincima	109.500,00	121500,00	1,11
614300	Grantovi neprofitnim organizacijama	147.500,00	154500,00	1,05
614400	Grantovi Javnim ustanovama-Centar za Soc.rad	236.000,00	234.000,00	0,99
	SVEGA GRUPA 614:	590.000,00	607.000,00	1,03
615000	KAPITALNI GRANTOVI			
615100	Kapitalni grantovi drugim nivoima vlasti	356.300,00	190.000,00	0,53
	SVEGA GRUPA 615:	356.300,00	190000,00	0,53
616000	Izdaci za kamate i ostale naknade			
616111	Izdaci za kamate			
	SVEGA GRUPA 616:	0,00		
	SVEGA GRUPA 61:	2.471.772,75	2.302.164,00	0,93
688000	B.DOZNAKE ZA KAPITALNE IZDATKE			
688100	IZDACI ZA NABAVKU STALNIH SRDSTAVA			
688111	Nabavka zemljišta	100.000,00	29.000,00	0,29
688120	Nabavka građevina	140.000,00	120000,00	0,86
688130	Nabavka opreme	70.000,00	75.730,00	1,08
	SVEGA GRUPA 688100:	310.000,00	224.730,00	0,72
	SVEGA GRUPA 688000:	310.000,00	224730,00	0,72
	UKUPNI IZDACI:	3.150.210,00	2.791.894,00	0,89
KOD		BUDŽET ZA 2003.	IZMIJENJENI	INDEX
FUNKCIJE		GODINU	BUDŽET ZA 2003	04./03
1		3	4	5
100	AKTIVNOSTI OPĆIH JAVNIH SLUŽBI	2.965.690,00	2565868	0,87
200	AKTIVNOSTI ODBRANE	155.270,00	191200,00	1,23
300	AKTIVNOSTI JAVNOG REDA I SIGURNOSTI	29.250,00	34826,00	1,19
	UKUPNI IZDACI:	3150210,00	2791894,00	0,89
KOD	FUNKCIONALNA KLASIFIKACIJA	BUDŽET ZA 2003.	IZMIJENJENI	INDEX
FUNKCIJE		GODINU	BUDŽET ZA 2003	
1		3	4	5
100	AKTIVNOSTI OPĆIH JAVNIH SLUŽBI	2.965.690,00	2565868,00	0,87
110	Izvršni organi	2.965.690,00	2.565.868,00	0,87
200	AKTIVNOSTI ODBRANE	155.270,00	191200,00	1,23

210	Aktivnosti civilne odbrane	155.270,00	191200,00	1,23
300	AKTIVNOSTI JAVNOG REDA I SIGURNOSTI	29.250,00	34826,00	1,19
320	Aktivnosti sudova	29.250,00	34826,00	1,19
	UKUPNI IZDACI	3.150.210,00	2791894,00	0,89
ORGANIZA- CIJSKI KOD	NAZIV ORGANIZACIJE	BUDŽET ZA 2003. GODINU	IZMJENJENI BUDŽET 2003.G	INDEX 04./03
1		3	4	5
1	UKUPNI IZDACI	3.150.210,00	2.791.894,00	0,89
100	Općinsko vijeće	138.565,00	154718,00	1,12
140	Služba za poduzetništvo,budžet,stambeno komunalne I inspeksijske poslove	2.827.125,00	2411150,00	0,85
200	Općinsko pravobranilaštvo	29.250,00	34826,00	1,19
220	Općinski štab civilne zaštite	155.270,00	191200,00	1,23

Izdaci u budžetu u iznosu od 2.791.894,00 KM raspoređuju se po korisnicima u posebnom dijelu kako slijedi:

1.OPĆINSKO VIJEĆE				
611000	A.DOZNAKA ZA TEKUĆE IZDATKE			
611111	Neto plaća	18300,00	20200,00	1,10
611120	Porez na plaću	915,00	1010,00	1,10
611131	Doprinosi na teret uposlenih	8700,00	9520,00	1,09
611211	Prevoz radnika	1250,00	1368,00	1,09
611221	Topli obrok	3800,00	2600,00	0,68
611224	Regres za godišnji odmor	600,00		
611227	Pomoć radnicima u sl.smrtni už.čl.p.	1300,00		
611226	Općinska priznanja	6000,00	5990,00	1,00
611241	Naknade općinskim vijećnicima	74000,00	81500,00	1,10
611242	Naknade za rad u komisijama	12100,00	12100,00	1
612221	Doprinosi poslodavca	3400,00	3730,00	1,10
613115	Troškovi dnevnica	500,00	100,00	0,2
613411	Nabavka materijala	2500,00	5100,00	2,04
613914	Usluge reprezentacije	1200,00	1200,00	1
613992	Troškovi održavanja sjednica vijeća	4000,00	5000,00	1,25
688131	Nabavka opreme		5300,00	
	UKUPNO OPĆINSKO VIJEĆE	138565,00	154718,00	1,12
	Prihod od sopstvenih djelatnosti			
	Ukupan broj zaposlenih	2	2	
Ekonomski kod	IZDACI	Plan za 2003. godinu	Izmjenjeni budžet 2003.god.	Index 4./5
1		2	3	4
	1.SLUŽBA ZA PODUZETN I BUDŽET			
	140-110 SLUŽBA ZA PODUZETNIŠTVO I BUDŽET			
	B.DOZNAKE ZA POKRIĆE DEFICITA IZ PRED.GOD			
591111	Sredstva za pokriće deficita iz predh.god.	368.437,25	265000,00	0,72

610000	C.DOZNAKE ZA TEKUĆE IZDATKE			
611111	Neto plaće	417.187,75	369200,00	0,88
611120	Porezi iz plaća	16.500,00	18460,00	1,12
611131	Doprinosi na teret uposlenih	156.000,00	173710,00	1,11
611211	Naknade za prevoz na posao I s posla	24.900,00	24900,00	1
611221	Naknade za topli obrok	138.000,00	85800,00	0,62
611224	Regres za godišnji odmor	21.600,00		0,00
611225	Otpremnina prilikom odlaska u penziju	2.000,00	2000,00	1,00
611226	Jubilarne nagrade	3.000,00		
611227	Pomoć u slučaju smrti užeg člana porodice	3.000,00	3000,00	
611231	Naknade za privremene I povrem.posl.	40.000,00	45600,00	1,14
612211	Doprinosi poslodavca	61.000,00	67980,00	1,11
613115	Dnevnice u zemlji	3.400,00	7700,00	2,26
613125	Dnevnice u inostranstvu	5.000,00	7400,00	1,48
613211	Izdaci za električnu energiju	9.100,00	9100,00	1
613212	Izdaci za centralno grijanje	13.000,00	19300,00	1,48
613216	Izdaci za uličnu rasvjetu	14.400,00	16400,00	1,14
613321	Izdaci za vodu I kanalizaciju	6.300,00	4200,00	0,67
613322	Izdaci za telefonske usluge	17.000,00	25100,00	1,48
613329	Izdaci za komunalne usluge	48.000,00	56200,00	1,17
613410	Administrativni materijal	40.000,00	40000,00	1
413491	Ispravka vrijednosti sitnog inventara	3.000,00	3000,00	1
613510	Gorivoza prevoz	20.000,00	22000,00	1,1
613523	Registracija motornih vozila	2.400,00	1100,00	0,46
613711	Materijal za opravku I održavanje stal sred	4.800,00	2000,00	0,42
613721	Usluge opravki I održavanja stalnih sredstava	2.000,00	7400,00	3,7
613723	Izdaci za održavanje vozila	7.000,00	7000,00	1
613724	Usluge održavanja cesta i mostova	20.000,00	13000,00	0,65
613813	Osiguranje vozila	1.800,00	1800,00	1
613821	Izdaci platnog prometa	4.100,00	4100,00	1
613911	Usluge medija	14000,00	14000,00	1
613914	Usluge reprezentacije	24400,00	26400,00	1,08
613923	Izdaci za specijalizaciju i školovanje	5000,00	5000,00	1
613924	Izdaci za stručne ispite	3000,00	7000,00	2,33
613991	Saradnja sa ino partnerima	10000,00	10000,00	1
613961	Zatezne kamate I troškovi spora	5.000,00	15000,00	3
613993	Izdaci za nabavku knjiga I štampe	4.000,00	7300,00	1,83
613994	Usluge izrade projektne dokumentacije	25.000,00	11000,00	0,44
613995	Izdaci pretplta na sl.listove I časopise,seminari	6.500,00	6500,00	1
613996	Usluge kopiranja	1000,00	500,00	0,5
614100	Tekuća rezerva	50.000,00	50000,00	1
614117	Grantovi mjesnim zajednicama	35.000,00	35000,00	1
614118	Grantovi političkim strankama	12.000,00	12000,00	1
614232	Izdaci za vojne invalide,ranjene borce I porodice poginulih boraca i za mat.soc.sig.nezap.lica	30.000,00	20000,00	0,67
614233	Pomoć raseljenim licima	20.000,00	32000,00	1,6
614234	Isplate stipendija	19.500,00	19500,00	1
614239	Pomoć licima koja se deložiraju-alt.smj.	40.000,00	50000,00	1,25
614311	Organizacija PŠIPB	7.000,00	7000,00	1
614311	Organizacija RVI	7.000,00	7000,00	1
614311	Islamska zajednica	7.000,00	7000,00	1
614311	Jed.organizacija boraca	7.000,00	7000,00	1
614311	Organizacija demobilisanih boraca	7.000,00	7000,00	1

Ekonom.kod	I Z D A C I	Plan za 2003.god	Izmijenjeni plan 03.	Index
614311	Klub patriotske lige	3.000,00	3000,00	1
614311	Udruženje"Zlatni ljiljan"	3.000,00	3000,00	1
614311	UG"Sumeja"Kalesija	2.000,00	2000,00	1
614311	Izdaci za kulturu-Monografija Kalesije	30.000,00	30000,00	1
614311	Eko zeleni	2.000,00	2000,00	1
614311	Preporod Kalesija	2.000,00	2000,00	1
614311	Lokalna izborna komisija	20.000,00	20000,00	1
614311	Udruženeje penzionera	2.000,00	2000,00	1
614311	Sindikalna organizacija	2.000,00	2000,00	1
614311	UG"Novi Horizont"Tužla	1.000,00	1000,00	1
614311	UG"Osmijeh nade"	2.000,00	2000,00	1
614311	Veterinarska škola	2.000,00	2000,00	1
614311	Udruženje logoraša	1.000,00	1000,00	1
614311	Lovačko društvo	2.000,00	2000,00	1
614311	Crveni križ	2.500,00	2500,00	1
614311	Udruženje roma	1.000,00	1000,00	1
614313	Sportska udruženja	35.000,00	42000,00	1,20
614411	Centar za Socijalni rad	74.000,00	74000,00	1
614411	Bosanski kulturni centar	50.000,00	50000,00	1
614411	Zavod za planiranje i urbanizam	50.000,00	50000,00	1
614411	Gradska biblioteka	50.000,00	50000,00	1
614411	Škola Meškovići	7.000,00	7000,00	1
614411	Breda-Agencija za ekonomski razvoj Birač reg.	5.000,00	3000,00	0,6
615117	Kapitalni grantovi drugim nivoima vlasti	356.300,00	190000,00	0,53
688000	D.DOZNAKE ZA KAPITALNE IZDATKE	310.000,00	209000,00	0,67
688111	Nabavka zemljišta	100.000,00	29000,00	0,29
688121	Rekonstrukcija Općinske zgrade	50.000,00	80000,00	1,60
688121	Uređenje gradske infrastrukture	70.000,00	40000,00	0,5714
688131	Nabavka prečistača za vodu	20.000,00		
688131	Regulacioni planovi	50.000,00	30000,00	0,6
688131	Nabavka opreme	20.000,00	30000,00	1,5
	SVEGA SLUŽBA ZA PODUZETNIŠTVO	2.827.125,00	2411150,00	0,85
	Prihod od sopstvenih djelatnosti	315.100,00	324579,00	1,03
	Ukupan broj zaposlenih	72	72	1
	9.OPĆINSKO PRAVOBRANILAŠTVO			
	200-320 OPĆINSKO PRAVOBRANILAŠTVO			
611000	A.DOZNAKA ZA TEKUĆE IZDATKE			
611111	Neto plaće	11.400,00	13510,00	1,19
611120	Porezi na plaće	570,00	676,00	1,19
611131	Doprinosi na tert zaposlenih	5.360,00	6360,00	1,19
611221	Topli obrok	3.300,00	2400,00	0,73
611224	Regres za godišnji odmor	600,00		
611226	Jubilarnе nagrade	400,00		
612211	Doprinosi poslodavca	2100,00	2490,00	1,19
613115	Troškovi dnevnica	120,00		
613410	Nabavka materijala	2000,00	2000,00	1
613510	Gorivo za prevoz	2000,00	4100,00	2,05
613821	Izdaci platnog prometa	100,00	100,00	1
613914	Usluge reprezentacije	1000,00	1200,00	1,2
613993	Izdaci za nabavku knjiga i štampe	300,00	300,00	1
613996	Usluge kopiranja		140,00	
688131	Nabavka opreme		1550,00	

	UKUPNO OPĆINSKO PRAVOBRANILAŠTVO:	29.250,00	34826,00	1,19
	Prihod od sopstvenih djelatnosti	4.500,00	3400,00	
	Ukupan broj zaposlenih radnika	2	2	1
	10.OPĆINSKI ŠTAB CIVILNE ZAŠTITE			
	220-210 OPĆINSKI ŠTAB CIVILNE ZAŠTITE			
611000	A.DOZNAKA ZA TEKUĆE IZDATKE			
611111	Neto plaće	47.500,00	54160,00	1,14
611120	Porezi na plaće	2.400,00	2710,00	1,13
611131	Doprinosi na tert zaposlenih	22.400,00	25490,00	1,14
611211	Naknade prevoza na oposao I sa posla	4.500,00	3700,00	0,82
611221	Topli obrok	27.700,00	21900,00	0,79
611224	Regres za godišnji odmor	4.200,00		
611226	Jubilarne nagrade	1.000,00		
612211	Doprinosi poslodavca	5.300,00	9970,00	1,88
613115	Dnevnice u zemlji	200,00	100,00	0,5
613211	Izdaci za električnu energiju		2100,00	
613212	Izdaci za centralno grijanje	600,00	610,00	
613321	Izdaci za vodu i kanalizaciju	670,00	1300,00	
613322	Telefonske usluge	1100,00	1930,00	1,75
613323	Izdaci i usluge odvoza smeća		100,00	
613329	Ostale komunalne usluge		500,00	
613410	Nabavka materijala	1.300,00	4800,00	3,69
613510	Gorivo za prevoz	6.000,00	15000,00	2,50
613523	Registracija motornih vozila	2.200,00	4100,00	1,86
613611	Unajmljivanje imovine	15.000,00	15000,00	1
613711	Materijal za opravku I održavanja	500,00	1000,00	2
613721	Usluge opravki I održavanja	800,00	800,00	1
613723	Izdaci za održavanje vozila	4500,00	8100,00	1,80
613821	Usluge platnog prometa	100,00	250,00	2,50
613813	Osiguranje vozila	1.600,00	1600,00	1,00
613911	Usluge medija			
613914	Usluge reprezentacije	600,00	1100,00	1,83
613949	Usluge ispirivanja vode	100,00	1000,00	10
613981	Usluge za podršku prilikom deminiranja	5000,00	5000,00	
613996	Usluge kopiranja			
688131	Nabavka opreme		8880,00	
	SVEGA OPŠTINSKI ŠTAB CIVILNE ZAŠTITE	155.270,00	191200,00	1,2314
	Prihod od sopstvene djelatnosti	22.100,00	16265,00	0,736
	Ukupan broj zaposlenih radnika	14	13	
	UKUPNI IZDACI	3.150.210,00	2.791.894,00	0,89

Član 4.

Ova odluka stupa na snagu danom donošenja, a ista će biti objavljena u "službenom glasniku općine Kalesija".

Bosna i Hercegovina
 Federacija Bosne i Hercegovine
 TUZLANSKI KANTON
 OPĆINA KALESIJA
 OPĆINSKO VIJEĆE

Broj: 01-05-2-3513

Datum, 16.12.2003. godine

PREDSJEDAVAJUĆI OPĆINSKOG VIJEĆA

Mehmed Suljkanović, dipl. ecc.

64

Na osnovu člana 36. Statuta općine Kalesija »Sl. glasnik općine Kalesija«, broj 9/98), Općinsko vijeće Kalesija na sjednici održanoj dana 15.12.2003. godine, d o n o s i

ODLUKU

o izmjenama i dopunama Odluke o prometu roba na pijacama i vašarima

Član 1.

Ovom Odlukom mijenja se i dopunjava Odluka o prometu roba na pijacama i vašarima broj 01-012-85/99 od 06.03.1999. godine.

Član 2.

Član 5. Odluke mijenja se i glasi:

»Za prodaju vlastitih i drugih proizvoda na pijaci i drugim javnim površinama potrebno je pribaviti odobrenje za postavljanje pijačne tezge«.

Član 3.

Član 6. Odluke se briše.

Član 4.

Član 18. mijenja se i glasi:

»Zabranjeno je točenje i uživanje alkoholnih pića van ugostiteljskih poslovnih prostorija u krugu pijace«.

Član 5.

Iza člana 18a dodaje se novi.

Član 18a.

Zabranjeno je pružanje ugostiteljskih usluga sa pokretnim objektom na kolicima, trokolicama i drugim pokretnim stvarima u krugu pijace.

Zabranjeno je obavljati promet roba na kolicima, trokolicama i drugim pokretnim stvarima u krugu pijace.

Član 6.

Član 20. mijenja se u stavu 6. i glasi:

»Novčanom kaznom od 100,00 KM do 300,00 KM kaznit će se lice koje postupi suprotno odredbama člana 2. Odluke o izmjenama i dopunama Odluke o prometu na pijacama i vašarima.

Član 7.

Ova Odluka stupa na snagu danom objavljivanja u »Službenom glasniku općine Kalesija«.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-3509
Datum, 16.12.2003. godine

Mehmed Suljkanović, dipl. ecc. s.r.

65

Na osnovu člana 36. Statuta općine Kalesija (»Sl. glasnik općine Kalesija«, broj 9/98), Općinsko vijeće Kalesija na sjednici održanoj dana 15.12.2003. godine, d o n o s i

ODLUKU

o izmjenama i dopunama Odluke o određivanju naknade za izdavanje odobrenja za rad na tržnicama – pijacama i drugim javnim površinama sa pokretnim poslovnim prostorima

Član 1.

Ovom Odlukom mijenja se i dopunjuje Odluka o određivanju naknade za izdavanje odobrenja za rad na tržnicama – pijacama i drugim javnim površinama sa pokretnim poslovnim prostorima broj 01-05-2-2778 od 29.10.2003. godine.

Član 2.

Naziv Odluke mijenja se i glasi:

»Odluka o određivanju naknade za izdavanje odobrenja za postavljanje pijačne tezge i ugostiteljskih objekata u krugu pijace i drugim javnim površinama«.

Član 3.

Član 3. dopunjuje se:

Naknada za izdavanje odobrenja za postavljanje pijačne tezge plaća se za tezg u veličine 4 x 1,5 m mjesečno.

Iza alineje 2. dodaje se nova alineja

- za prodaju rabljene tekstilne robe 10 KM

Lica koja za postavljanje pijačne tezge koriste veće površine pijačnog prostora od površina iz stava 1. ovog člana dužni su da plate naknadu po 1 m² 10 KM

Za pružanje ugostiteljskih usluga u krugu pijace sa šatorom ili tendom plaća se naknada za prostor veličine 10 m² 40 KM

a za korištenje veće površine od 10 m plaća se naknada po 1 m² 5 KM

Za korištenje stabilnih građevinskih objekata (zgrada) za pružanje ugostiteljskih usluga plaća se naknada po m² 2 KM

a za korištenje ljetnih bašti ispred objekata plaća se po m² 2 KM

Član 4.

Iza člana 3. dodaje se novi član.

Član 3a.

Za pribavljanje odobrenja za postavljanje pijačn tezge, šatora ili tende ili pružanje ugostiteljskih usluga u stabilnim građevinskim objektima primjenjivat će se kaznene odredbe

Odluke o izmjenama i dopunama Odluke o prometu roba na pijacama i vašarima.

Član 5.

Izmjene i dopune ove Odluke vršit će po postupku njenog donošenja.

Član 6.

Članovi 4. i 5. Odluke postaju članovi 6. i 7.

Član 7.

Ova Odluka stupa na snagu danom objavljivanja u »Službenom glasniku općine Kalesija«.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-3508
Datum, 16.12.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

66

Na osnovu člana 36. Statuta općine Kalesija ("Sl. glasnik općine Kalesija", broj 9/98) i člana 18. stav 3. Poslovnika o radu Općinskog vijeća Kalesija ("Sl. glasnik općine Kalesija", broj 4/99), Općinsko vijeće Kalesija na sjednici od 15.12.2003. godine, d o n o s i

ODLUKU

o razrješenju i izboru predsjednika Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja

I

Razrješava se dužnosti predsjednika Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja Općinskog vijeća Kalesija Novalić Esad iz Tojšića.

II

Za predsjednika Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja Općinskog vijeća Kalesija bira se Jajičević Ramiz iz Kalesije Gornje.

III

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-3511
Datum, 16.12.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

67

Na osnovu člana 36. Statuta općine Kalesija ("Sl. glasnik općine Kalesija", broj 9/98) i člana 18. stav 3. Poslovnika o radu Općinskog vijeća Kalesija ("Sl. glasnik općine Kalesija", broj 4/99), Općinsko vijeće Kalesija na sjednici od 15.12.2003. godine, d o n o s i

ODLUKU

o razrješenju i izboru člana Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja

I

Razrješava se dužnosti člana Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja Općinskog vijeća Kalesija Zahirović Ramiz iz Tojšića.

II

Za člana Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja Općinskog vijeća Kalesija bira se Novalić Esad iz Tojšića.

III

Ova Odluka stupa na snagu danom donošenja, a ista će se objaviti u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-3510
Datum, 16.12.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

68

Na osnovu člana 10. stav 3. Zakona o porezu na promet nepokretnosti i prava ("Sl. novine TK", broj 11, 13/01) i člana 36. Statuta općine Kalesija ("Sl. glasnik općine Kalesija", broj 9/98), Općinsko vijeće na sjednici od 15.12.2003. godine, d o n o s i

ODLUKU

o imenovanju Komisije za utvrđivanje vrijednosti nepokretnosti i prava u prometu

Član 1.

Ovom Odlukom imenuje se Komisija za utvrđivanje vrijednosti nepokretnosti i prava u prometu (u daljem tekstu: Komisija).

Član 2.

U Komisiju se imenuju:

1. Mehmed Suljkanović, za predsjednika.
2. Hajrudin Huseinović, za člana,
3. Zijad Kulanić, za člana,
4. Abdurahman Bajrić, za člana,
5. Amir Barčić, za člana.

Član 3.

Zadatak Komisije je utvrđivanje vrijednosti nepokretnosti i prava u prometu.

Član 4.

Komisija se imenuje na period od dvije godine.

Član 5.

Stupanjem na snagu ove Odluke prestaje da važi Odluka o obrazovanju Komisije za procjenu vrijednosti nepokretnosti u prometu broj 01-05-2-1718/01 od 02.07.2001. godine.

Član 7.

Ova Odluka stupa na snagu danom donošenja, a ista će se objaviti u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj:01-05-2-3512
Datum, 16.12.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

69

Na osnovu člana 36. Zakona o lokalnoj samoupravi (»Sl. novine TPK«, broj 6/98 i »Sl. novine TK«, broj 13/99 i 7/02) i člana 36. Statuta općine Kalesija (»Sl. glasnik općine Kalesija«, broj 9/98 i 5/99) i člana II tačke 6. Odluke JP PTT saobraćaja BiH broj 04-I-011-6055/97 od 11.10.1997. godine, o uslovima i načinu učešća građana u izgradnji TT kapaciteta preko svojih DPZ, Općinsko vijeće Kalesija na sjednici održanoj dana 28.10.2003. godine, d o n o s i

ODLUKU

o prijenosu mjesnih telefonskih pristupnih mreža na području mjesnih zajednica općine Kalesija

I

Ovom Odlukom općina Kalesija, na JP »BH telekom« Sarajevo Direkcija Tuzla, bez naknade, vrši prijenos prava raspolaganja na izgrađenim mjesnim telefonskim pristupnim mrežama na području mjesnih zajednica općine Kalesija, kako slijedi:

1. Hrasno Gornje,
2. Memići,
3. Jajići,
4. Tojšići (proširenje),
5. Rainci Gornji (proširenje),
6. Rainci Donji,
7. Vukovije Donje,
8. Jelovo Brdo.

II

Na osnovu ove Odluke, JP »BH telekom« se obavezuje da dostavi kompletnu katastarsku snimku izgrađenih pristupnih mreža, poslije čega će se izvršiti odgovarajući upis u katastar i guntovnicu općine Kalesija.

III

Imovinsko pravni odnosi i vlasnička struktura na prostorima i objektima u kojima su smješteni telekomunikacijski kapaciteti JP »BH telekom« riješit će se naknadno posebnim aktom.

IV

Ova Odluka stupa na snagu danom objavljivanja u »Službenom glasniku općine Kalesija«.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-27-1260/03
Datum, 29.10.2003. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

S a d r Ź a j

OPĆINSKO VIJEĆE	Strana
62. Statut općine Kalesija	95
63. Odluka o izmjenama i dopunama Odluke o budžetu općine Kalesija za period I – XII 2003. godine	111
64. Odluka o izmjenama i dopunama Odluke o prometu roba na pijacama i vašarima	120
65. Odluka o izmjenama i dopunama Odluke o određivanju naknade za izdavanje odobrenja za rad na tržnicama – pijacama i drugim javnim površinama sa pokretnim poslovnim prostorima	120
66. Odluka o razrješenju i izboru predsjednika Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja	121
67. Odluka o razrješenju i izboru člana Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja	121
68. Odluka o imenovanju Komisije za utvrđivanje vrijednosti nepokretnosti i prava u prometu	121
69. Odluka o prijenosu mjesnih telefonskih pristupnih mreža na području mjesnih zajednica općine Kalesija	122